

百經堂集



百柱堂全集卷十六

丙辰

丁巳

五言三章贈李旨之

吳天方疾威生民委豺虎暴築起相挺毒噬徧村隴巖邑況
彈丸惴惴誰敢拒吾子奮袞衣慨然念禦侮持挺激村氓立
幟會桴鼓青犢讐且逃百里得安堵眞宰產俊英非徒老農

圃

國家隆譽髦才必備文武靖變康斯民詎分出與處無爲效
冥飛空山遯高羽

詩道有廢興振之惟雅才忠孝鬱性始比興義兼該自從僞

百柱堂全集

卷十六

一

體盛淳風日以頽浮侈競冶佚倣詭趨奇核貞則遂淪棄波
靡不可回薄劣志復古艱哉何崔嵬蹇足騁長轡自媿非龍
媒昨覽吾子作道壯意何哀高言震流俗大義伸胸懷吾衰
人不振得子心意開同志況多雋

謂浴吾柳夫
意遠諸子

淄澠無復乖

努力紹正始古道行當恢

故人抱文藻宿草忽盈阡不叩子雲宅俯仰俄三年今來訪
蓬徑花木猶依然圖史厯兵燹縱橫有遺編儒雅世不墜亦
未嬰戈鋌日晏具杯勺感歎黃鑪前紛吾墮世網歲月如奔
弦石交日零落東風吹華顛長蛇亘千里噓毒東南天媿無
穰苴策起救世迤邐栖栖但避地未得安林泉閔亂復感舊

援翰著茲篇

方伯羅山羅公輓詞

義旗乘捷指潯陽再引援師發豫章
逐北奇功紓楚禍征南凶讖兆彭亡
蠪蝟感歎三年役蛇豕芟夷百戰場
正倚乾坤歸整頓誰知豪俊遽凋傷

扼孽時艱百六災草閒忠孝異人來
經師獨擅韜鈴術弟子

偏多將帥材

公深於經術其軍中隊長皆以高足弟子爲之

刁斗無驚軍令肅樵蘇

不犯里門開辭親報

國身先死遺恨英雄萬古哀

創重何曾絕鼓音伏弑流血灑衣襟
危機忽中焦頭禍

飛礮中輿

百柱堂全集

卷十六

二

猶裏創督戰者踰時

烈士終酬裏革心北落明星光慘淡
南天神劒氣

銷沈爪牙宣力當誰寄側想

宮庭悼惜深

久駐

大樹秋凋溢浦側將星春墜楚雲邊
軍中頗牧亡相繼江上

孫盧勢更延鄂渚至今猶窟穴匡廬終日在烽煙艱危司馬

空垂淚久駐孤軍捷未傳

謂湘鄉曾公

江上遇家孝鳳兵曹黃虛舟大令

二子東來奮請纓風流揮扇並書生
心懷溫嶠登舟誓氣激

田疇掃地盟軍市縉增征權籍土團家助鼓鼙聲
尙當迅掃

長蛇窟直捲江波撼鄂城

鳴珂憶別

鳳凰樓握手烽煙此日愁
變徵歌酣燕壯士新亭淚
灑晉神州
關河逆旅飄零恨
風雨滄江戰伐秋
種蠡昔聞生霸國
猶能嘗膽雪深仇

浮江

滔滔大江水終古無時休
自從開闢來積此茫茫愁
坤輿自云廣載之安能周
自非沈冥士生世誰不憂
遇物百感集蕩滌終無由
何必衛洗馬臨波方淚流

太微

百柱堂全集

卷十六

三

滄江不斷羽書飛
野老占星望太微
風后未隨軒夢出
羽人猶覺

帝傍稀

中興天贊神靈業
薄伐雷行震疊威
奮武何難銷亂略

廟謨雄斷在

宵衣

病中志惕

自余違攝養憂切倚閭心
親老慈彌篤兒疏咎實深
自期歸信宿猶涉病侵尋
小愈卽趨侍從茲跬步欽

病聞鄂州水軍大捷

閉門節序丹榴發臥病滄江白髮生忽報奇兵焚賊艦遙傳
殘孽泣圍城天涯亂氣全當掃枕上沈疴頓自輕未覺顏年
殊少壯猶思淬劍往屠鯨

贈鍾雲卿州佐

去家無百里襪被便之官目覩羽書急心傷兵氣殘潔廉持
已少平易得民難薦達仍寥落栖遲且自安

楊厚菴軍門率水師東下所過悉毀賊壘縱火燔賊舟殆盡
遂耀兵九江城而返賦詩以壯之

威名楊僕將飛舸下江雲旬日清千里中流仗一軍沿波屯
壘掃夾岸舳艫焚削盡鯨鯢窟居然蕩惡氛

百柱堂全集

卷十六

四

頗似晉龍驤樓船勢莫當推鋒踰楚塞耀武偪潯陽雄略尤
神速凶徒盡竄亡仍聞揮櫂返戰士一無傷

述往

破竹當年勢雄師頓上游臨機嗟不決江左劃鴻溝

早甚嘲龍

轍耒村農望眼勞誰知萬井尙屯膏功能濟世翻忘世不信

神龍遜桔槔

油雲盼斷大江濱空負飛騰尺木神日抱驪珠眠不起蝦蟇

嘲汝亦常鱗

憶隆兒郡中

汝往鶯呢樹流螢今又飛甫登弟子籍應念老夫歸客路炎
歎甚江皋候火稀故園猶少事迢返慰庭闈

雜紀八絕句

白雲上天不作雨搖曳江外成丹霞翹首老農斷心骨可憐
猓猶猶磨牙

私鬪團丁不能制化爲流賊敢縱橫修矛但欲資民力利器
誰知藉寇兵

竄亡殘孽不盈千白梃潛行蟻穴穿道僻追師恆不及村墟
流血已成川

被兵州邑

百柱堂全集

卷十六

五

詔蠲租吏括民田更下符公斂緡錢充饗糈私傾膏血市金
珠

巴峽以西至白帝石田亢旱闕三秋若非鹽利徧山藪百萬
嗷嗷大可憂

軍興萬事日蕭條賈舶商塵氣盡凋安得今年早平賊瘡痍
一切罷征徭

崇通巖邑當腰膂狼子須防窺伺心速遣一軍斷九嶺隱然
虎豹在山林

農命軍儲仰歲豐但期元感與天通甲兵洗盡倉庾溢只在
神功頃刻中

病起

病骨支離甚炎蒸尚怯風干戈雙淚眼江海一衰翁漸有扶
藜態嗟無橫草功鯨鯢猶未殄恨滿大江東

枕上聽雨喜作

空外雨聲猶未至風聲已挾翻盆勢初聞浙瀝斷復連俄頃
天瓢注平地犀軍萬弩金鼓鳴鐵騎蹴蹋沙場行漂疾震蕩
未若此耳中但作波濤聲帝命百靈夜奔走萍翳當前豐隆
後海倒江翻萬瀑飛溝奔渠溢百泉吼朝來老農定色喜喜
見鷗鳧浴田水昨者槁禾今更青秀色郊原鬱然起沈牛醜
酒酬龍宮嗟龍久矣貪天功由來上德不言德野老安知帝
何力

百柱堂全集

卷十六

六

遲家孝鳳同年不至

君行南郡復東下踰月淹留尺素稀不少奇謀參幕府將無
閒道訪親聞子臣忠孝丈夫事江漢安危天下機甚矣吾衰
兼疾病暮情惟戀故山歸

鮒魚歎

櫻桃始熟江漲起舉網鮒魚初出水攜向通園索值高江鄉
俊味誇尤美漢臯嵯賈張瓊筵下箸惟求第一鮮一尾費緡
三十貫金盤會客爭相延長蛇千里俄噓毒鑿齒磨牙糜人
肉昔日鳴鐘列鼎家旬食風塵日號哭只今梅雨麥秋初蓬

戶家家屨若魚百錢便可購數尾多骨翻遭棄擲餘一物貴
賤何足論殘黎誰縱豺狼吞老夫東望起三歎默然流涕閔
江漢

歸舟

病起向滄洲遄歸發桂舟岸平天頓豁江漲地疑浮漸少烽
煙警差寬井里憂故山猿與鶴遲我返林邱

依韻酬虛舟大令

時危執手滄江畔風景新亭涕淚多措置軍儲功不易澄清
天下計如何馳驅君壯同袍氣衰病予慙伏櫪歌旅客歸人
共翹首汀洲唯盼捷書過

百柱堂全集

卷十六

七

答胡東谷孝廉

通才懷賈傅亢直慕袁絲憔悴公車下飄零戎馬時論交如
舊識決策獨深知傾蓋便分手空吟蔓草詩

晚坐

養疴仍避暑一榻晚風支深樹蟬吟細長天鶴去遲身勞防
物役性簡慮神疲寂寞原吾好非徒攝衛宜

意遽至茅江問疾別後卻寄二首

浮舟來視疾風義最難忘越宿黯然別此情江水長漸衰宜
屏慮小愈已還鄉書報應相慰吾今赴草堂

之子眈高隱幽栖物外情竹陰籠澗影松籟入江聲野興涼

初愜詩心澹更清幾時仍汎艇過我訪柴荆

酬雲卿州佐

鄂城殘孽是亡期旅客滄江病起時歸慰高堂開笑口篋中

廉吏贈行詩

連日雲陰密布無雨輒散

但解遮空不作霖無端出岫更何心虛名殷浩登朝日孤負
蒼生屬望深

季高芝房意城鄂生兵後以書存問先後繼至喜賦一律

執友殷勤訊轉逢干戈無恙一衰翁音書次第千山外生死

驚疑數載中英傑難忘金石貫亂離將定道途通樓船卽掃

百柱堂全集

卷十六

八

長鯨窟江海書車卜大同

酬譚荔仙三首

寒劣乏時用旅病方支離足音喜俊彥訪我滄江湄自云赴

戎幕往效白羽麾觀君氣彌壯顧我神多疲五兵在胸中未

吐縱橫竒惜別但目送奄忽飛雲馳

迢迢雙鯉魚貽我看山句維舟訪做廬造門適未遇青山延

逸人蒼翠宛相赴野鶴諧幽悰浦禽引遐慕興盡不復留黯

黯遠煙暮登艫揖山僧滄波擊楫去

熊湘號才藪綺紵多雅游吾子晚相識傾襟殊綢繆閉門究

風雅思與作者儔孤情屏妍媸峻詣窮雕鏤貽書辱下問商

推遙相求予非下和目願剖荆山璆

寄答曾少固

時在鄂州軍中主饗

書生投筆濟憂危心計尤承幕府知
獨向艱難充餽餽猶聞涕淚閱瘡痍
勞深軍市持籌夕秋近天河洗甲時
魏我論才非管樂報君休訝出山遲

輓浴吾

窮奇誇老壽才子奪天年眞宰殊難問
斯人不少延膏育嬰二豎文藻闕重泉
頭白哀英俊茫茫愴逝川

不見休文久傳聞日臥病家貧艱藥物
病劇迫干戈賓客談游少生徒謝遣多
亦知勤攝養算促奈君何

百柱堂全集

卷十六

九

予歌屯尼日避地走山中幸遇孫賓石
能爲臯伯通深心傾蓋愜高義斷金同
疇昔聯吟地悲涼蕙帷空又追悼二首

聯袂扁舟訪隱淪足音空谷意何親
蓬蒿秋掩元卿徑二仲羊求少一人
今春曾偕意遽見訪

姚氏山堂同避地舊游石上長莓苔
松篁歲歲連雲綠不見

題詩沈秀才

七月八日喜雨

先一日立秋

快意無如此炎威一雨收郊原初灑潤
林壑頓吟秋回幹機何速推遷候若流
煖焚欣已解還望甲兵休

秋暑轉甚

義和振策赤龍騰七月炎歊倍鬱蒸正苦轉輸猶未罷何堪
兵早復相乘翻盆欲瀉銀河水滌盈誰分玉井冰莫訝蘊隆
何太甚天將憂悶助

中興

戊角

鐵甕金陵何有哉頻年毒霧掃難開時平形勝輕天塹計失
縱橫踴盜魁大憝終梟狼虎谷愁雲猶壓鳳凰臺傳聞左次
無堅壁日夜西風戊角哀

黃巢死於狼虎谷

閱早

百柱堂全集

卷十六

十

秋野驚如赭俄興四岳雲但能工掩蔽未解救悒焚匱匪垂
納幕須臾曳錦文垂天徒有勢破塊竟無聞

責雲

鼠氲三素采縹緲九霄邊觸石因何事屯膏職爾愆徒歌嗽
野什未起築巖賢膚寸皆靈澤乘高詎少權

江表

孫恩骨擲滄波裏侯景頭藏武庫中江表阻兵徒跋扈古來
覆轍盡奸雄豺狼猶縱生民禍貔虎誰高將帥功天助

中興方撥亂待歌常武賦車攻

丙辰中秋夕

中天桂影信婆娑奈此良宵三五何七寶頓驚仙闕湧九州
猶照戰場多流光容易凋青鬢痛飲相期卷白波爲想亂離
逢此夕淒涼幾處罷笙歌

白螺磯曉發

蔡國鳳孫不來去盃盤在不得

涼逼篷窗露氣清曉鴻聲雜櫂歌聲躔分日月東西見秋老
江湖吐納平往事沙邊餘戰壘徂年川上感浮生烽煙未息

頭空白惆悵孤帆更遠征

首不與蔡出戰詩中賦

三江口

江與沅澧合流處今爲荆河腦

明陳汝道及徐特

析地分荆岳浮天控澧沅岸危連樹圻江悍挾湖奔野市荒
墟落漁舟長子孫水軍爭戰地扼要尙堪論

百柱堂全集

卷十六

七

漲落

我行西泝江兩岸駭秋漲浮天流向東厥勢何雄放越宿驗
沙痕消落頓殊狀天道有盈虛倚伏理無亢羸項矜詐力顛
蹶盡霸王何況述與躡身首不獲葬世運偶屯艱狂鯨敢跋
浪靜觀消長閒停橈默惆悵

守風石首

江至此折而東諺有南風兩利北風兩泊之語

泝流多逆風縈回歷枉渚來去盡維舟不得發柔艣諺語信
有徵此地兩成阻葭菼彌長洲瓜壺蔓野圃浙浙波漱沙蕭
蕭岸沈雨天長汀鳥歸露下草蟲語秋色驚蒼涼客心厭行
旅隔岸繡林山窺波漾容與野老尙相誇誰辨劉郎浦已矣

英雄人俛仰倏千古

泊楊河

涼風已度隄邊柳斜日猶銜嶺上雲津路去來千艇集江形
向背一洲分沙壩漲落痕初斂水國天空響易聞欲覓當陽
開浚迹無人能道晉家勳

杜預起楊水達巴陵內瀉重湖之險外通零桂之漕疑此或其遺跡

今湮沒久矣

楊河晚眺

秋色成孤迥飛來白鷺羣遙峰延落日疏雨送歸雲全力江
形折中流樹色分客心正搖落空籟更多聞

嘗金洲夜泊

百柱堂全集

卷十六

七

北望沙頭市帆檣上下停歌騰終夕管鐙亂一江星野泊憐
荒寂羈懷寄杳冥昔傳洲九十誰復證圖經

次日大風不得渡

咫尺不能渡橫空蹴勁颿危聲盡沸塔矗勢如搖歎沫回
成雨飛蓬卷入霄沙灘雙鷺立爲爾且停橈

讀平準書

楊可告緡徧天下滿山羣盜日縱橫軍興不濟時方旱何惜
宏羊未見烹

風鶴

高城雄壓萬山秋士馬當年南雍州豈謂杯蛇能致誤翻然

風鶴浪生憂威名韋叡殊難得靜鎮王商未可求網罟似聞

傷竭澤莫令桑孔競持籌漢書王商傳建始三年秋京師民無故相驚言大水至長安中大亂

大將軍鳳以爲太后與上及後宮可御船令吏民上長安城避水商獨曰此訛言也上乃止有頃稍定問之果訛言

自夏五月至秋九月既望始雨民乃種麥

非雨麥難種况兼輦鼓音無能魁眾命但遣鎮人心未相聞

多鬻租繆恐未任幾時洗兵馬十畝樂桑陰

虎門觀海歌爲譚荔仙作

奇氣胸中小雲夢扶胥一夜神風送天池潮汐來無垠萬象

端倪駭瀕洞虎門高峙滄波閒南溟仗此誇雄關誰遣重洋

委局鑰蛟蜃蹴動波連山樓船戰血灑秋雨至今壯士多愁

百柱堂全集

卷十六

七

顏歸來夢謁祝融峰手攬七十二芙蓉恍登紫蓋望遠海飛

來海氣猶盪胸海波未定湘波沸貔兪磨牙縱狂噬毒氛嘘

徧東南天莫問金陵龍虎氣金陵東接海悠悠西上還連江

漢流鯨鯢京觀久未築塗炭空悲數十州嗚呼禍萌起海徼

方鎮何人制羣盜義旗討逆唯南軍君也撫劔復長嘯曾控

毛車滄海回氣吞么麼何有哉中流自奮擊檝志萬里原推

破浪才只今幕府借奇策莫漫扁舟逐少伯洗兵待挽長江

波去作釣鼇海上客

詠馬季長

登堂罕見趙臺卿面責偏逢吳季英奢樂但償飢困悔達生

誰悟是虛生

權門草奏忍操觚爲惜無貲七尺軀軀未滅時名早滅勿嘆
何獨笑愚夫

雨夜懷孝鳳沙津

風雨雜悲鳴高秋旅客驚此時方起舞忠孝淚縱橫宿雁寒
多嘆荒雞夜有聲懷人吾不寐相望阻高城

贈鄭子春園

涪宮有修士汲古得膏腴才子高陽里先生裘氏儒懷文老
蓬華讀史薤榛蕪晚遇孫陽顧驊駟始過都

有子八人著元明二史提要今

歲始受知於
使馮公

百柱堂全集

卷十六

古

奔走空皮骨沙頭屢過君烽塵驚浩劫衡泌抱遺文問字時
攜酒懷鉛日策勲高閒吾羨汝舒卷碧天雲

題春園吟草

歌峒皆天籟英華總道腴漉巾陶靖節擊壤邵堯夫春水生
難遏流雲淡欲無卷中此真意自與俗情殊

追和儀徵阮相國彝陵峽口望蜀江七律原韻

當年節鉞擅詞宗西望青天鳥道重吹角連營肅貔虎揮毫
傾峽走蛟龍高名已峻三台望絕唱猶留萬仞峰定有精靈
懸列宿玉京朝帝把芙蓉

感興

白日馳西海誰能挽逝波紛紛看墜葉不復返高柯總道商
聲厲將如勁草何亮懷金石性豈畏雪霜多

隱几

隱几蕭齋寂何來步履行不知林葉墮猶誤履綦聲日夕商
颯厲飄零客感生傳聞多市虎或恐遂縱橫

時有樊城之警

軍門向公薨於金陵行營

登壇老將用廉頗起自征蠻馬伏波竟隕大星諸葛壘空揮
落日魯陽戈飢疲遠鬪孤軍壯力疾開營百戰多遺表但陳
攻取略澄清未遂恨如何

八年擐甲翦豺獍千里長城捍楚吳僧辨大功多蹭蹬盧循

百衲堂全集

卷十六

五

狂孽未梟誅虎臣先後傷零落賊賊縱橫逞毒痛驚將仍聞

麾下起驍騰當許繼公無

謂張軍門國棟

聞賊酋楊逆爲其黨所屠

洛周終被葛榮屠翟讓還爲李密圖可惜梟夷猶假手不曾
都市伏

天誅

董卓高居萬歲陽伯珪積穀百樓誰知禍發無遺種卽在
金城鐵室中

死爲逆鬼空遺臭天網何曾得追刑肉飼豺獍猶不食山川
難洗秣陵腥

同惡相殘羿與澆蚩尤貳負死安逃滔天凶勢終如此何況
么麼但爾曹

內讐先開各自疑窮城猜隙衆心離推鋒速進當乘亂天與
犁巢掃穴期

紛紛脇掠盡齊民歸命還依覆載仁自躬凶渠同解甲

皇恩萬一下

丹宸

仲遠太守有看菊之招卽席賦此

常年菊不過秋期今歲花開爲底遲落落本無諧俗韻亭亭

眞有傲霜枝風塵格鬪愁顏際英傑艱難晚節時相對漉巾

百柱堂全集

卷十六

十六

聊作達爲君痛飲更何辭

志喜口號

鄴下棘奴戮羯種平陽斬準翦劉宗近來粵賊相屠盡稔惡

同歸覆轍凶

妖蛇噓毒徧山川八載人神憤未宜凶運枯楊能有幾火龍

太歲直今年

年來江干楊柳無故盡枯此逆賊楊秀清將亡之兆尙者占賊滅有火龍一照便銷滅之讖今

歲躔在丙辰

此語竟驗

縱然環裂汝猶逃逆鬼天陰不敢號莫遣山川蒙穢惡速傾

江海蕩腥臊

檻車雖未俘元惡京觀還當戮逆骸梟獍不堪污斧鑕餘教

穢血濺

天街

三山牛首壯高秋雙闕天門峙上游狼滅方懸弧矢耀龍蟠
還屬

帝王州

秣陵城下大軍來江表歡聲沸若雷紀績自歸熊虎將饗軍
應上鳳凰臺

操戈假手蕩祇氛捷騎飛騰露布聞惆悵南來諸將士奇功
未出上游軍

一人兢業正乾坤

百柱堂全集

卷十六

七

嗣服殷憂濟世屯齊頌咸豐

天子聖

中興七葉在

神孫

汝輩么麼輒聞干觸山追日恃凶殘剗一旦如羊豕萬世
奸雄膽盡寒

蠻奴逆種始芟夷湯火殘黎僅孑遺欲得百千元結輩吹噓
枯朽起瘡痍

猶煩聖慮在平吳款款羊公效遠謨敬勝丹書誰獻納萬年
無逸纂

蘿圖

眼看江海再澄清八表煙塵不復驚華髮潛郎甘樂死山游
水汎送餘生

讀後漢書

脂膏腴削競充囊擾擾狐狸滿道旁千載埋輪人不作誰持
一疏懾豺狼

讀史

牛大千斤難負重坐談不解事機乘悠悠往事無窮恨如此
山川付景升

桓温云劉景升有大牛重千斤噉芻豆倍於常
牛負重致遠曾不若一羸特魏武殺以享軍士

當日并州將亦稀舉鞭誰復問戎機高城寂寂惟長閉絕似

百柱堂全集

卷十六

六

山公酩酊歸

威聲羊杜播南疆和季功名冠一方晉室崎嶇江表日猶聞
經路重襄陽

盡殄弢曾第五猗王如驍悍亦誅夷威行江漢清南夏處仲
當年信可兒

郡城客感

登樓斜日思何窮征雁寥寥下渚宮霸氣昔高江漢上雄城
今臥水雲中騷人惜誦孤芳渺詞客哀時異代同節候近來
驚獨變霜天爭試紙鳶風

年來冬令城上爭放紙鳶

霜晨

策策復蕭蕭，霜晨葉盡飄。
微權在威信，大化有榮彫。
婦助山家火，檐盈谷口樵。
君看松與柏，千尺竦貞標。

白沙市晚歸郡城

參差亭堠夕，陽明擾擾塵中各有營。
來去昏鴉亦相競，半栖村郭半歸城。

次韻和竺嶺同年游清溪之作

君向高峰躡紫煙，清溪洞口俯飛泉。
四山霹靂喧空際，百道虹霓落眼前。
滌蕩已堪銷世累，飛鉗誰復誦遺篇。
招提卽在雲巖側，借取僧寮自在眠。

題詩邱壑意超然，興發看山不用錢。
舊約同盟丹嶂外，清游

百柱堂全集

卷十六

九

獨踞白雲邊，空思塵境逃。
名地未卜山靈識，面年何日隨君償。
夙諾捫蘿深處問安禪。

展雲學士再試施州賦詩示多士，門下羣英斐然繼，和彙爲一卷旋節南郡出以見示卽次原韻率題二首

大雅陽春唱高軒，使者駢儒林充藥籠。
蠻部繡弓衣承蓋趨羣彥，儲才盛兩闈。
夜郎山澤氣珠玉吐奇暉。

荒陬聞鳳噉，揆藻等鴻翩。
翹秀成因匠，同舟望若仙。
元音流遠徼，冬嶺變春妍。
僻陋尊山斗，潮陽化並傳。

張仲遠同年屬題海客琴尊第二圖

殊方舊雨隔滄溟，重向都門倒玉瓶。
槎客相逢還欲笑，兩回

天上識張星

仙鳧飛下楚雲端平壤歸帆路渺漫各憶題襟舊游地回頭

紅日近長安

圖中座客皆吾友

良甫頌南伯厚石洲

落月梁閒若可招存歿杳然如

夢裏離懷何但海天遙

重泊楊河

繫船曾幾日霜葉下空林沙析寒江細煙韜夕岫深角聲傳
朔氣舟語聚南音側想門閭望方勞歲暮心

江漢告平賦詩紀績

楚岷奇禍最煩冤三度殘黎恣并吞今日更看蛇豕輩號天

百柱堂全集

卷十六

十

泣地脫無門

辱卒三千來閒道馳援首仗益陽公焦頭獨犯燎原禍喋血

終收壯拯功

百金選士盡熊貔開府中丞大治師壁壘雄嚴無敢犯臨淮

威令變旌旗

破陣威聲疾若雷羅公雖沒李公來書生繼踵多韓白復楚

功還屬楚才

南來楊帥將矚矐飛棹親當矢石衝奪取長江一千里龍驤

信是水中龍

窟穴窮城兩載餘朝朝流血動成渠啖屍索戰無降意凶性

豺狼死不除

密壘長圍計已成糧援告斷賊方驚狂鯨悍兕矜牙角變作
枯魚只泣聲

乘圍一鼓殄凶頑戰士征袍血盡殷肩髀豕當鸚鵡渡憫懣
臺並鳳凰山

羅公精氣尾箕懸未及江城滅賊年披髮麾兵如助戰瑯戈
親督陣雲前

河山戮力仗羣公南北收城一日同持與朝廷還鎖鑰依然
江漢楚雄風

凶渠白下已前死飢困游魂詎得長追日觸山空恃力到頭
百柱堂全集

卷十六

五

無策救天亡

破竹威騰水陸軍上游匡復作桓文英豪欲竟分憂事不拔
金陵不策勲

江漢之禍烈矣亂定後遙賦二絕志哀

城郭人民盡已非茫茫仙佛亦安歸高樓併逐咸陽炬遼海
何年鶴更飛

二郡蕭然荆棘裏縱橫賊壘徧郊垆鯨鯢血作江中水風雨
寒濤不斷崖

嚴關丁巳

乍報黑山踰錫穴俄聞青嶺犯夷陵亦知殘孽非難剪誰道

巖關未可憑歲歉流庸爭燭掠春寒雨雪盛凌兢紀南岌岌
連脣齒西上援師利速乘

兵家

兵家蹈瑕隙疾若鷲鳥翔明哲有時蔽利鈍爭毫芒高歡破
黑獺不用陳元康兩雄角歲月所競霸與王乘勝利速進席
卷誰能當雖挾千鈞弩亦恃機牙張日中有必焚趨時先者
強智勇一不斷後乃受其殃事會盡如此拊膺徒慨慷

春登陸城馬鞍山

千岩繞郭勢如虹表裏江湖一望通益益春浮花柳外亭亭
山拔水雲中荆衡並倚關扃固沔鄂遙資控帶雄莫指沙邊

百柱堂全集

卷十六

三

詢故壘長蛇餘毒恨何窮

憩嘉祐寺

招提沿宋代郊郭遠塵氛盡日祇清梵好山多白雲欲參眞
諦妙暫息世緣紛花落僧無語忘言對夕曛

陸城東郊延眺

波影浮山翠濛濛浸遠蕪東風吹衆綠作意媚晴湖灼灼野
桃笑垂垂煙柳扶春雲留不散亦戀此城隅

題默初吟草

十年嗟分張一見甫邂逅示我盈帙詩山游駭奇構奪命鋒
刃閒狂走類猿狄逼人窮山中轉與勝境奏驚魂脫死亡幽

賞貺靈秀攬之入胸懷造化不能囿巨刃高摩天橫決白雲
竇向來神鬼扃一旦發其覆興愜遂長吟餘聲振岩岫險絕
驚超騰天然謝刻鏤我取諷未終清如鳴玉漱天方窮子身
子才轉益富勿怪坎壤多時命固大謬

李生叔篋見訪山中喜賦二首

侯官門下見奇童待控扶搖萬里風誰料煙塵生寓縣遽驚
文物變兵戎關心各悵音書阻握手何期道路通亂後滄江
能命駕遠勞存問慰衰翁

生曾爲林文忠公招
致幕中林侯官人

河山戰骨委荆榛郡國儒冠託隱淪八載乾坤纏寇盜一尊
風雪話悲辛暫從地僻諧鷗鷺終擬時清作鳳麟好繫扁舟
百柱堂全集 卷十六

三

無遽發小園花柳正留人

吁嗟行

金陵凶釁當乘亂神武臨機仗雄斷濟師埽穴如拾遺一舉
威行速雷電梟獍今猶盜建康不聞處分佐

朝堂吁嗟帷幄謀臣少才略空思李贊皇

山園對牡丹惘然追悼

昔年曾值牡丹時愛惜風光索賦詩頭白只今才欲盡對花
空有斷腸詞

曾記花開每並看一枝今倚墓門寒東風日暮曉鶻急細雨
春紅泣牡丹

過圓通寺經行茂林中

千林圍綠海不辨寺門蹊歲古拏雲健山深得氣齊蒸芝疑
伏獸引蔓駭垂霓鐘磬寂無響惟聞谷鳥嘯

贈鄜友石功

桂林人客游臨湘曾率土團擣賊於藥姑山有奇

少年談笑起書生決策親探虎穴行半夜旌旗超絕險九天
風雪下神兵買牛編戶銷刀劔立馬懸崖勒姓名斗酒歸來
歌破陣還將雄筆戰詞英

飛揚見爾不羈人一權滄江訪隱淪早料虎頭終必貴尙憐
龍性總難馴山齋慷慨論兵地天意蒼茫鬪將辰草澤何嘗
無頗牧幾時傳

百柱堂全集 卷十六

十四

詔索麒麟

觀漲

混混岷源壯滔滔夢澤連高春天闕近回蹠地輿旋擊楫英
豪志乘機將帥權三山帆直指何不下樓船

邁園覽江流壯甚有萬里之勢 岷江洞庭合流於此

數笏邁園地滄波瞰不窮坤輿縈匹練天鏡落雙虹萬壑浮
雲表千帆出樹中回瀾聞噴薄何異呂梁洪

李南生大令餽雙井茶詩以謝之

仙吏東來餉春茗碧芽片片出雙井靈芽猶帶匡廬雲炎歊
頓化清涼境我向滄江理釣筒校書草制百無功未是玉堂

蘇學士居然嘉惠拜浩翁

山谷以雙井茶贈蘇子瞻有詩

江流萬里何壯哉滔滔雪水峨眉來負瓢取汲自烹茗瓶笙
乍沸圓花開火雲垂天若屏障起滌冰甌神忽王惜無宏景
三層樓臥聽松濤吹萬丈

亂來道路梗南北四方佳茗苦難得感君分惠碧雲腴令我
熱惱蕩胸臆隱几翛然謝俗氛筆牀茶竈對斜曛甘回舌本
風生腋只誦人間冰雪文

忽憶東征諸將士連營萬竈炎雲裏枕戈揮汗夜不眠穿井
掬飲半泥水誰輦萬囊致軍前徧斟甘露皆洒然書生何補
默自愧方訂茶經更品泉

百柱堂全集

卷十六

五

晚坐風雨驟至

是日立秋

倏起片雲黑破空風雨驚纔收炎暑退旋送月華明張弛神
難測機權運若輕候蟲階下語秋意覺潛生

傷歌行

干將擊斲取犀利鷲隼摩空百鳥避折鋒鍛翮胡爲哉俊物
翻遭流俗忌才非權勢難用奇權勢所居謗輒隨君不見衛
鞅車裂白起戮古來功名安可爲

秋漲

江漲乘金氣浮天挾混茫俄然變消落可以戒強梁鼃黽休
爭躍蛟龍漫自狂順流終向若何不凜尊王

漫成

蝗不爲災潦漸平齊安近報振軍聲潛夫暫遣胸中慮竹榻
風清夢亦清

咸豐七年秋中丞益陽胡公有減漕之令觀察張公仲遠持
節行郡國所過延見吏民遂定其議此大計也非止取便
一時將爲國美利萬世無窮已異日國史志食貨必
有取焉輒賦詩美二公以備采風

楊炎變兩稅法簡號爲美庸調併歸租農病自茲起國家都
范楊轉粟東南倚沂江入河淮挽舟數千里官吏暨漕卒萬
弊萃穴螿凡用十六金乃致一石米濟運歲治河費尙不在

百柱堂全集

卷十六

三

此自從盜賊興三農棄耒耜益以水旱災追呼困欲死賦額
踰經常大權存府史上蝨

國穗枯下飢民膏髓中飽歸若曹毒倍萬封豕嗚呼我農人
安得保妻子桓桓中丞公百戰靖南紀拔出水火民惻然閱
瘡痍定議除倍征權衡協張弛疾痛旣用紓京坻亦以痔使
君贊大猷酌中共一揆攬轡持節行郡國遂歷抵所至延吏
民詢謀衷諸是民無杼柚空官不乏公使令下流水原歡聲
徧遠邇漕做數百年蛆食未有止中丞與使君改絃乃更理
一旦清其源沙汰江河洗決策排羣言定力岱衡峙乃知經
國猷宏毅大賢恃水激則生湍法做必復始兩賢與時遭回

幹亦何駛他日輦輕齋漕河兩可止歲省費無涯利垂千萬
祀咸豐七載秋權輿自楚啟吾儕見寬法浩蕩樂無比將欲
補食貨才匪孟堅擬作詩美兩公賦法志原委上有稷契臣
康哉今可俟

雜言二首

昔在大庭世恬澹貴無爲獸羣可繫游鵲巢可俯窺德失有
仁義濇樸化澆漓賦茅倏喜怒術挾狙公欺履豨揣肥瘠監
市無不知銜轡啟詭竊伯樂實使之誠慤苟未固誓誥皆虛
詞立信募徙木懸金人愈疑不以智治國老氏言可師標枝
與野鹿逸矣安能期

百柱堂全集

卷一六

七

同心喻斷金論交在古處丹青終不渝肝膽皆可吐末俗託
同岑芬華若蘅杜外言真神明中款祕深阻山海千萬重不
足喻城府公孫詐爲忠張湯智善舞萬乘尙蒙欺況乃交游
侶慙哉汲長孺發憤竟何補

答李香洲兼題其栖雲山房詩卷

油油山上雲蒸泄無定姿涓涓谷中泉匯爲千頃陂雲泉爾
何意有似香洲詩意足不外假疾若風雨馳意盡忽然止純
任天機爲句萌動百卉受命春雨時盎盎盡生氣化工初無
私妍芳逞萬態在物曾不知比興肇六義胚胎亦若斯真氣
取諸內奚勞凋琢詞

其二

山居玩松石庭戶生雲煙朋來或三五命酌皆陶然酒酣發
高詠興文動成篇凌雲縱未遇鳳逸何翩翩妖星照旬始徧
地皆戈鋌世運有屯蹇天道誠幽元疇昔嘯歌日樂事何其
偏新吟變悲咤慷慨如幽燕引領望商岫芝華不可攀

其三

曰余性疏拙所挾猶鉛刀空然抱孤憤悲歌宣鬱陶辟書枉
軍府虛名安敢叨贈言辱推獎勸駕意何勞方今盛才傑頗
收揚旌旄潛夫守章句未諳龍豹韜鷹揚望諸將無使鯨鯢
逃烽塵靖江海鼓臥弓載囊老矣燭之武請甘蓬與蒿

百柱堂全集

卷十六

五

泊蛟尾

風水交相滯輕橈力未任沙光搖潏尾日色澹湖心斂翻巢
中隼號羣浦上禽潛蛟疑出舞終夕助哀吟

長湖曉發

雲淨懸天鏡波明湧日華樹迎帆卓立岡逐浦回斜曉夢留
鷗社新寒偪雁沙遙看楓與櫟丹彩欲成霞

是日舟行甚速

昨日逆風夜不止今行順流及百里利鈍由來轉瞬閒昨何
濡滯今何駛孔墨栖栖道路邊一生遇主嗟無緣時來屠沽
亦將相不問賢愚只問天

舟行卽目

寒日蕭蕭景清流曲曲波植篁圍前密臥柳覆船多歲晚農
方息年豐氣盡和津途慚物役歸興屬松蘿

渡白鷺湖

郡西諸水承三海下匯茲湖兩邑分秬稻十年成沃壤葑蒲
一色入寒雲鷗鳧泛泛終無意鴻鵠冥冥自不羣鱗音壯心
零落盡岸楓相對下紛紛

觀音寺曉發

長隄曲折遠連村下隄初收野水痕林表寒光浮霧嶂人家
曉色靜霜原亂餘劫火恩恩換潦後汙萊往往存聞說臺臣

百柱堂全集

卷十六

完

行薄斂白頭垂涕感何言

時中丞胡公新下薄征之令

專征

虎踞龍蟠壯古今噓空虺毒壓雲深豈應臥榻客鼯睡忍對
神州歎陸沈習戰樓船風正利上游戈甲勢如林專征盡盼
中丞節歲鼓聲中聽捷音

洪湖舟中

勢吞江沔昔何雄十載重經迴不同潦旱循環將化陸水天
濯練並浮空荒葭折葦寒雲外征羽游鱗落照中冉冉川途
當歲暮鬢毛蕭颯久如蓬

十月虹見

舟至古隄口曉窗見之蓋十月十八日也

十月虹猶見垂天作錦雯晴收湖外雨曉障日東雲孰辨災
祥氣宜推洪範文得無干政象未可釋憂勤
再過白鷺湖

昔年驚滌泮近歲樂豐穰烏鳥充菱芡人家足稻梁漸看廬
井聚何慮草萊荒靜念推遷理平陂孰主張
霜樹

歲晚農家事事閒清流曲折抱柴關門前霜樹皆成錦迤邐
丹黃紫翠閒

舟次漫興

自笑浮生未許閒塵容來往魏湖山年光曉角宵檠裏詩思

百柱堂全集

卷十六

辛

風帆雨檝閒泉石徵書勞幕府雲霄清夢隔朝班少微垂象
非難辨徹夜分明照楚關

曉渡裏湖

旭日破湖煙湖光淨可憐客心喜蕭曠風物助清妍荇藻迎
橈密桑榆合岸圓沙津知不遠一塔矗江天

至潔不容唾吾尤愛此湖涵光千頃會鑒影一塵無皎皎素
絲練沈沈白玉壺長纓宜濯此昭質豈能污

陟屺橋

陟屺勞瞻望人傳孝子橋繫余慟風木晏歲事征橈涕淚鯉
庭斷風煙馬鬣遙倚門念慈母霜鬢不勝彫

舟行書所見

舟經田壤中宛與陸行同忽見來帆轉方知去路通墮菱猶
蔽渚衰葦尙連空報賽崇先齋村村荷歲豐

上中丞胡公三首

崎嶇功復楚顧盼氣吞吳赤羽當

朝寄丹心稟

廟謨令行王景略政寓管夷吾近喜寬征賦閭閻樂轉輸

巨猾盜江東滔天羿況同不聞膏斧鑕何以懼姦雄獎率桓
文業龕除侃訪功四方今引領仗節屬元戎

秣馬趨鍾阜摩舟搏建康腹心先潰裂支黨自銷亡不待收

百柱堂全集

卷十六

三

溢浦無勞救豫章煩公決奇策爲

國作鷹揚

拂鏡詞和九曾農部二首

醜女多憎鏡青銅久祕藏菱花忽高揭今日遇夷光
易購盤龍鏡難逢絕代人東施同攬照安得可憐顰

黃鵠篇贈九曾

伊蘇谷吳在蘇谷

黃鵠爾何來乃自廣莫鄉矯翼一再舉足亂浮雲驪山州辨
紆曲天地知圓方西徠邁窮石東發超扶桑問鵠何能爾天
假六翮長浩蕩任所運適與扶搖將俊材挾憑藉可以凌八
荒同處羽族內稟異殊尋常豈無翮飛者決起但槍枋鵠與

此曹謝仰視空茫茫

題龔子定論兵食書後

韓非疾浮淫牧之尙自治巖廊曾不聞蓬華獨流涕庸匠操
斧斤般倅紬其智古今貉一邱傑士轉淪棄威鳳何飄搖哀
鳴日垂翅嗟血灑江皋熒熒化爲字上陳折衝謀下述儲胥
議昊天降疾威猋兪縱吞噬烽火半九州川原盡露骹日費
千金財輿尸踵相繼前軼旣已傾後軫曾不慕孱卒充荷戈
賈豎競言利瘡痍膏久枯竭瀝意仍銳介胄生蟣蝨緡租逞
蝮鷲御窮馬斯奔澤竭魚乃逝及今尙可圖盍不思變計濟
軍先甦民龕亂首謀帥二端持宏綱闊略弛苛細白骨復肌
百柱堂全集 卷十六 三

膚沈痼起痿痺折筮管狼軀沉埽無餘事吁嗟

聞九重拜獻莫由致懷此慷慨詞韜之琅玕笥歲暮天風寒

憂來但沈醉薦達竟何人潛夫以沒世

水仙操

講舍階下有水仙一叢萋江姚春木徵君所遺也閱
十餘年矣屆冬故叢輒發揚翹作藜有遺世獨立之
致登之益益藉慰歲寒愴念亡友因譜此

曲徵君嘗自稱海上白石生故篇中及之

白石之仙兮刺船歸渺瑤琴兮海島琴聲斷兮滄海深委雜

佩兮蔓草芬至今其未沫兮化瓊藥而擢玉英操與頴陽比

潔兮節與孤竹同清酌寒泉兮薦瑤斗歲旣晏兮天寒揖騷

人之遺魄兮聳長劍與高冠斲冰兮積雪蘭爲柘兮桂爲丘
仙涉江兮來止烽煙並海兮不可以久留

送展雲學士按試鄧州

驛路旌旗拂野梅，駢驂遙駐石城隈。滄桑陵墓詢遺老，

明時顯陵

在天

兵火山川訪異才。白雪千秋高郢唱，雄風終古屬蘭臺。

從容使館多文讌，歲晏波寒阻未陪。

家箴三茂才持古鼎，易韓集先之以詩依其數答之。

筆力能扛百斛鼎，超然玩好輒先屏。一生低首昌黎公，辦香
直與斗山等許田。壁假古有之持鼎，易集吾何辭，便書萬本
誦萬遍。石鼓歌與淮西碑。

去聖久遠不可求，攘排釋老尊魯鄒。公功固不在禹下，亦如

鑄鼎安神州。韓門籍湜盡高足，效之絕膺踵相續。不從廣鼎

百柱堂全集

卷十六

三

求詞華前有習之後永叔

子才英敏可適道，入冶精金在深造。抗心希古自得師，大器

當爲天下寶。我衰於世無重輕，對子竒律嗟難賡。夜闌石鼎

尙聯句，蚓竅或作蒼蠅鳴。

將歸以盆中水仙貽家箴三

煙波吾欲返，未載芘蘿妹。頗念風霜夕，愁侵冰雪膚。瑤華持

作贈，錦石助相娛。知爾懷清客，塵埃滌早無。

承聞瓜洲鎮江相繼克復，詔促諸道會攻金陵。

整頓乾坤屬俊英，荻山瓜步一時平。天亡賊賊窮憑穴，

帝詔龍驤疾進兵。江國縱觀招討使，

王師振旅建康城東南龕亂資方鎮努力羣公唱義聲

對雪有作

冬裏隔歲兆豐穰

聖主祈年格上蒼喜氣已傳騰捷騎嚴威可但殺遺蝗
京有路堪朝闕銀海無塵不待杭興發便思披鶴氅隔溪先訪
野梅香

雪中答九曾農部

開函珠玉走縱橫逸氣如霏六出裏綵筆

先朝依北極陽春高唱動西清潛郎歸向滄洲臥郢曲工傳
大雅聲夜半雄心思破陣何人縛賊蔡州城

百柱堂全集

卷十六

雪

舟次大雪寄箴三星堂淵父燿卿諸子

大雪獨揚舲飛花舞未停八埏驚瀕洞萬象入空冥倦客歸
途滯離筵宿酒醒諸君勞見憶應上望江亭

雪甚放舟

朔年孤櫂寒方厲倦緒滄洲感不窮雪勢風聲皆自北客心
江水並趨東安身事業漁樵裏袖手謀謨道路中大壑深巖
堪送老行藏原是鹿皮翁

雪霽

雪後空江靜晴雲欲射波春回寒岸淺霽放晚帆多鶴立辭
腥腐鴻高謝畢羅猶慚江上櫂未許老煙蘿

舟過石首

拱揖歲寒友蒼顏識繡林

山名

雲根栖岫冷峰影倒江深荒

堞憑樵磴中巖落梵音長風方送客揮手別遙岑

調弦口晚步玩隔溪山色

飛翠墮郊原嵐光蕩夕昏野環青玉案天抱碧雲村春入融

膏壤溪明寫黛痕看山竟忘倦栖鳥不聞喧

江行望華容諸山

幽尚古高士孱顏數老人覲君寒木表送我大江濱雪闕瑤

芝秀雲封玉笥春何年躡丹磴築宅許爲鄰

舟次漫成

百柱堂全集

卷十六

五

歸舟遙共大江東直下滔滔日夜同歧渚曲迷南北岸峭帆

橫織往來風乾坤盜賊何由息山海租繒未覺充

國有虎臣當奮武早銷金甲撫疲瘡

中流風勢甚逆

風起中流阻客歸浪花吹雪濺征衣長蛟憤作磨牙怒未識

荆人有飲飛

雨泊

荒汀維客艇寒雨滯歸程靜處覺蓬滴空中聞鷓聲車帷愁

閒置劔匣鬱縱橫天末羈鴻唳因之寄遠情

舟中雪眺作歌遣興

寒林兩岸浩無迹一夜梨花照天白春風幾日何處來釀出
清華贈歸客歸客壯游恆去家年年羈思滯天涯平生看雪
奇絕處到今飛夢登雲車蓮花西嶽高插天隴首冰浮涇渭
川

帝京鳳闕何巍然西山玉龍臥蜿蜒是時胸中蕩灑氣欲控
銀蚪超八埏瑤臺閬苑何曾隔琪樹蓬萊安足妍只今豪氣
漸潦倒凋年飢走滄江道但餘霜雪照頭顱豈有瓊瑤榮懷
抱水妃江神縱玉戲爭向歸人鬪才思老矣惟思臥故園騁
妍拙祕非吾事白頭慈母倚柴關稚子日候征人還風定挂
帆便歸去臥看松雪滿晴山

百柱堂全集

卷十六

美

歸權

歸權連朝阻石尤雪花如掌撲征裘長空黯黯無飛鳥惟見
滄江動地流

雪後順流看山

雪後山容肅端然朝太清勢扶天柱峻光捧日華明列笏參
差立層臺刻畫成半空有鸞鶴借我謁瑤京

曉見南岸諸山

蓬窗侵曉望無數好山過幸此道途滯覬予冲秀多雲梯猶
縹緲世網只蹉跎軒冕眞塵土吾終老澗阿

舟經車灣感賦

排山濁浪撼衝車，歲歲新茭等擲虛。爭地可憐勞捧土，順流誰解議廝渠。決蹠虎怒威難制，塞口兒嗁計總疏。上策何人師賈讓，閭川澤盡安居。

微雨

雲葉微含雨，江潭已覺春。多情如送暖，無迹只霑塵。曠遠岸旋失，空濛山有神。沙鷗忽驚起，知是渡旁人。

江潭倦客行

君不見雪化峨眉山下，水西來浩浩幾千里。貫楚趨吳赴海門，波濤日送遠游子。達官巨估，桂爲舟，金管銀尊不解愁。花光秋泛芙蓉渚，草色春香杜若洲。江潭倦客飄零久，繫纜年

百柱堂全集

卷十六

七

年江上柳，敢誇擊楫誓澄清。未擬浮槎問星斗，頻年挾策干龍驤。不見琱戈指建康，憂深漆室惟悲嘯。涕下新亭獨慨慷，羈旅文章計總非。扁舟留滯未能歸，盤渦不避鼃鼉怒。浩蕩終隨鷗鳥飛，誰家大扁艤江側。美酒彈箏縱六博，征帆雨雪更迢遙。卻向天涯笑倦客，倦客沈吟淚滿巾。家山歸去物華春，歸時看取繁霜鬢。老盡風波江上人。

聽雨不寐

鞞容殘年江上舟，坐聽風雨咽寒流。不知江水深多少，可抵征人一夜愁。

歸舟遁除尚滯風，雨書此寄耀卿。

只言游子解征裝卮酒從容待北堂十日征程九風雨誰知
漂泊尙他鄉

夜闌風益厲繼以霰

飛雹穿窗萬弩驚顛風夜蹴怒濤聲龍愁鼉憤知何事直爲
英雄吐不平

曉霽解纜

始值張帆樂無煩擊楫勞曦陽射沙汭宿雨淨江皋通甯原
無定行藏任所遭扣弦發高唱清興亦何豪
舟至觀音洲風逆不得發遂泊焉時除前二日也

江程半日卽柴扉梅蘂山園帶雪飛寄語石尤休作劇明朝

百柱堂全集

卷十六

五

猶是歲前歸

望三江口

江湖清濁會同赴海門深豪傑包容度忠勤翼戴心朝宗猶
共凜寇盜敢相侵漸喜東南定舟航達賚琛

阻風排悶戲作

急霰寒煙黯遠空飛飛鷺舞浪花中滄洲自笑停橈客踰蹠
爰居日避風

津女操舟過孟賁輕帆一葉逐濤奔中流獨狎陽侯怒縱有
蛟龍不敢吞

感事作

虺毒稍看江國解鯨喙又報海波揚投文豈是難驅鱷憑堞
何爲易喪羊五等崇封兼使相三台上將應文昌怱怱出頓
如兒戲南顧憂誰釋

廟堂

舟次寄展雲學士

維舟一別便重山寒柳津亭忍獨攀太史周南連歲滯客星
江上逐春寒五羊城闕烽煙裏

雙鳳樓臺霄漢閒懷土望京情不淺知君未易豁愁顏

歸舟久滯歌以自遣

送我歸者長江之水日夜流阻我歸者北風雨雪無時休巨

百柱堂全集

卷十六

三

鼇跨海戴山岳安得駕彼凌滄洲披衣中夜浩歌發歌聲直
撼蛟龍窟笈中彩鳳謝騰騫樾下飛黃失超忽茫茫之憂壯
如川迢迢之夜寂如年丈夫處世但齷齪何時長劔倚青天
夜聞霰聲不止

密霰橫空布陣齊寒濤鳴咽作征鼙龍宮不惜珠千斛強弩

三更戰水犀

除日舟中

來日光陰催去日舊年風雨入新年家山到眼猶難達身事
回頭祇自憐秦隴幽燕思昨夢舟車冰雪送華顛抽簪未定
躬耕計歲暮飄搖道路邊

吾友帥逸齋觀察奇士也今年冬仲戰歿撫州城下其兄子與焉除夕孤舟寂坐無聊輒賦二詩以述予慟

承明才子氣飛揚繡斧南來過豫章不樂鳴珂陪仗馬卻思抽箭射天狼驅車孟博風原峻橫草終軍志可傷未遣飛書題露布遽嗟裏革殞沙場

誓答

朝廷累世

恩時危慷慨事戎軒軍宗兄子能同死

先帝名臣果有孫不惜屣軀淪草野惟留壯節動乾坤紛紛介冑多逃免天壤何顏視息存

百柱堂全集

卷十六

罕

自題舟次詩後

停舟日日強裁篇奇逸蒼雄出偶然省識江神邀綵筆要令山水發清妍

百柱堂全集十七卷

戊午

己未

監利王柏心子壽

元日舟中

綵鷁聯沙浦蒼龍直斗杓村沽供柏酒江雨帶蘭橈鄉路仍
羈旅天涯又歲朝猶勞慈母望日日布帆遙

物候

物候江干換生機眼底饒輕風催鳥嘯新雨長魚苗歲酒鄰
舟會春旛形勝飄距家纔兩舍仍悵阻征橈

解纜

解纜滄江道迎人鷗鷺飛沙融寒雪盡山納霽雲歸疎賤空

百柱堂全集

卷十七

懷策風塵願息機歡顏奉慈母自有老萊衣

道人磯

危石立江中望之如道冠故名

道人何自至未見謁天庭仗此鐵冠力滄波懾百靈有瀾回
砥柱不再戰雷霆江左斜簪客風流讓典型

楊林磯

盡納西南水驚濤向此奔峭橫雲作障險擘石爲門恒遣川
祇順何虞地岫翻戰衝當五季曾重水軍屯

抵家

十日九停舟朔風曾未休旣非莊舄仕翻作賈胡畱冒雨方
移艇看山且順流天涯更歲瑄今始豁羈愁

感興

出門見稊柳已解舞春風宿雨添朝潤新枝發故叢蕃昌均
自得棠籥竟誰功惟有潛郎鬢年年只似蓬
春草方生欣然卽目

燒痕如夢醒生意逐春還纔掃青連渚俄吹綠上山雨絲飄
蕩處煙態有無間渲染天涯徧東風總未閒

望裏

望裏遙連白馬磯靡蕪兩岸競芳菲一江新綠無人管時有
沙禽掠卽歸

送客

百柱堂全集

卷十七

二

江上春來送遠行萋萋芳草逐愁生無端吹徧汀洲綠散入
天涯萬里情

寄懷伯韓觀察

三年淹滯鳳凰城宣室何時問賈生終倚人才方撥亂非關
天意未休兵諸州寇盜猶屯結萬里蠻夷復震驚攬轡定堪
銷反側亟須公等出澄清

答芝房

兵戈相望久愁顏何意簪裾得再攀
覽遣雷賓三徑裏仍看

謁

帝五雲閒飛鴻忽墮迢迢訊綵鳳方歸侍從班獎借不因元

晏序誰憐吟苦爲時艱

承爲拙詩製序

朝隱蕭然素士風著書懷抱有誰同詞多司馬微文外事盡
長沙太息中圖貢萬方凝

寶錄

聲靈七業纂

神功興邦自昔由屯難
禁闥無忘獻納忠
題王琴仙畫山水長卷

雲煙亂走屋撐破突兀千峰萬峰過崖崩石圻瀑怒飛洶湧
驚濤歎入座得非夸娥負且趨細觀乃是均州王生之所圖

百柱堂全集

卷十七

三

疾掃長牋十餘丈蒼然筆力何雄蕩岷峨鳥道盤空回五丁
怒擘天梯開蒼藤古木隱日月峽口一線長江來隴山嵒冢
連嵯峨梁洋山走商鄖多漢東巒嶂夾眾壑屈曲倒注滄浪
波岸豁川長向空瀉健帆破浪疾奔馬巴巫襄漢來眼中使
我卧遊不能捨王生奇氣填心胸傾吐立化千芙蓉吟詩又
聞逞豪縱豈惟繪事追北宋年來江海徧征戍憐汝飄零在
道路我亦崎嶇託隱淪林泉世外久難遇披圖悵望起遐慕
鹿門商顏竟何處采藥茹芝從汝去

鄭春農司馬摹劍研二銘文徵題

劍爲李供奉物後歸新建
伯視爲岳忠武物後歸中

太白劍託王新建中山乃寶岳侯研神物終付非常人銷落
銘文猶可見鄭侯愛古兼好奇寶此拓本邀題詩襜帷佐郡
涉湘水裝作長卷恆護持四賢磊落盡人傑神物畱傳更奇
絕吁嗟乎劍有時而折石有時而泐惟有倚天貫日之精靈
盤薄萬古不可以磨滅請看挂壁風雷生或恐蛟螭氣蟠結
贈吳南屏學博卽送其還巴陵

君家洞庭南我家洞庭北煙波百里間望望招不得宛陵昔

稱君

謂伯言
梅丈

文章實絕特飛雲難合并矯首重歎息自從戎

馬生乾坤榛莽塞足音兇然來令我喜動色旣幸脫艱虞又
得展胸臆鴻儒肩藝文實關造化力崎嶇竟獲全斯道不中

百桂堂全集

卷十七

四

辰以此卜昌期嘉會未有極莫負好湖山寬閒安釣弋

近來願與牧躍起皆湖湘奪身掃氛宇威稜在戰場惟君老
矻矻文苑爲鷹揚高眺韓歐間千載追翔翔治化翊瀆古微
言賴以昌破屋出煨燼中有萬丈芒爛然燭霄漢垂作虹霓
光策勛仗柔翰竹帛無低昂經國有大業豈不在文章

聞有騷人國實在古荊州翩然挂片席褰佩來汀洲屈宋竟
已矣蘅杜渺難求滔滔大江水無端生古愁世難且未息登
高寫我憂我憂未遑寫百感紛相投太息舍之去興盡回孤
舟君來曾幾日去又不少畱安得假羽翮相送過巴邱乘月
聽瑤瑟從君湘水遊

雨中戲爲俳體遣悶

聽雨似村居蕭條隱几餘野雲低宿戶階澗疾翻渠微澗侵
緜快輕寒逼綺疏百川聞欲漲櫂竹近何如

蔓引將連壁榛荒欲隱扉庭蝸題薛碣池蠹襲苔衣桑扈糧
應裏楊雄客漸稀江州傳露布未阻捷書飛

聞新克潯陽

官軍復江州

三年夷死寇百戰拔潯陽此屬終誅磔何人敢倔強揮戈移
虎旅舉櫂奮龍驤破竹乘今日凶巢可覆亡

偕清軒勉齋耀卿出郭憩太暉觀歸途感賦

命儔展遐覲步出郭門西遠綠雜然會蒲荷紛已齊雨後眾

百柱堂全集

卷十七

五

流赴注爲橋下谿魚鼠聚三五列蔭垂楊低琳宮駭竦峙金
榜森標題連費巨碧漢拾級凌丹梯萬眾助緡鏹擲等沙與
泥土木被金碧詭麗安能稽崇侈始勝國頽波難爲隄厥患
甚蠱疾潛伏不可封神州半流血瘡痍哀烝黎傾貲媚迂怪
湛溺誰所擠仙靈詡宏濟盍不息鼓鞞至今扇薄俗坐視斯
人迷太息去不顧歸路遵荒蹊遠鐘尙送客暮鳥亦已啼瓊
臺一回首猶覺千虹霓

得秋丞書却寄

襜帷行按壘亭障起揮戈塞遠烽猶接民殘寇轉多尺書何
自至八口幸無佗倘有莖鱸興扁舟返澗阿

夜坐示燿卿

亂蛙喧忽近鼓吹作繁聲始覺池新漲還占雨欲晴螢低當
檻度蝸出負牆行寂處能相慰聯吟賴友生聞餘好談歡可
借燿卿池上晚步
柳下釣人多斜陽倒射波嶼回藏宿葦溪漲沒新荷鷺立開
窺客鷗眠澹羨佗未知莊與惠濠上興如何
城西湖濱晚眺借燿卿作
愛此城西曲煙波鏡水同人家楊柳渚巾扇芟荷風靜覺魚
窺影遙看鷺下空納涼宜向晚香在綠雲中

潛江烈士行

百柱堂全集

卷十七

六

烈士者潛江廩生戴君自培也咸豐四年粵賊踞江漢君
集鄉團得六萬餘人分守十五垸賊不敢犯四月賊擾沔
之仙桃鎮及潛之多寶灣君率眾往擊連戰皆勝賊遁五
月君擊賊於長老鎮之荷花月隄賊敗走俄而大至君陷
伏中鎗死同時男女死者四千人邑人采其事徵詩因賦
是篇

書生仰天眦雙裂誓馘豺豕飲其血潛江烈士惟戴君慷慨
大義日陳說懦夫攘袂盡敢決六萬健兒起團結祆賊蠡屯
潛沔閒劫堡攻村往復還火光宵蕪仙桃市殺氣晨高多寶
灣君聞赴難親躍馬援旗大呼震屋瓦揮戈疾鬪賊不支髑

體藉藉蔽原野仲夏再戰氣彌厲孤軍陷伏後無繼水深浩
浩蒲青青烈士捐軀堪隕涕失我外援空號咷四千殘骨委
蓬蒿凶徒高歌血洗刀悲風捲地揚怒濤當時大帥高連營
人言殺賊惟書生書生何嘗有祿秩婦孺爭傳烈士名君不
見湘鄉羅羅山江陵林立甫並起諸生奮才武威稜忠節照
吾楚戴君戴君亦其伍世無韋布出禦侮誰信儒林有貔虎

題吳展其

之驥

詩草二首

悲歌劉越石書記阮元瑜世亂輕才士時危激壯夫忠肝餘
涕淚落魄向江湖詞苑鷹揚氣飛騰不可無

帝道中興會湘東出將時龍驤風正利魚斧泣應遲佇獻淮

百柱堂全集

卷十七

七

西寇功收薊北師請歌洗兵馬磊落吐雄辭

雨湖漁隱圖爲吳展其明經題

蕲春山下雨湖水半映芙蓉半桃李著書難得好湖山前輩

風流多寄此

州人顧黃公及
陳愚谷皆居此

吳郎逸氣凌雲煙擬築幽居南

郭偏煙月長宜青翰舫水雲分占白鷗天橫空枉矢照江渚

麒麟山下徧豺虎仙源獨在雨湖中全家竟脫烽煙苦百戰

今看楚塞清雨湖風景最關情不忘結屋臨中泚直欲垂綸

送此生吳郎搖筆負文藻壯歲風塵嗟潦倒閱世常虞憂患

多看君豈作煙波老秣陵凶巢久未覆長蛟跋浪三山蹙磻

溪日夜望非熊盍起投竿符夢卜不然策鼇駕長風瀛臺正

待文章雄賦成斫鱸蓬山頂往掣鯨魚碧海中

送鄆友石赴皖入李鶴人方伯軍幕

飛黃騁長轡俊鶻凌高秋乘勢展邁往凡材安得儔少年有
鄆子人中英傑流櫓槍痛未掃志在雪

國仇深沈挾智勇未肯輕相投中宵拭雄劍鬱鬱蟠蛟蚪臨
淮忠孝將名冠東諸侯价藩控皖境開府羅奇尤子將仗劍
往道出古荊州故人重解析尊酒相淹留吾聞古將帥拔擢
皆有由不逢魏與蕭韓白誰見求雄俊邁知己奇功良可收
羣凶久干紀天意當虔劉

王師偪建業梟獍將成囚楚軍萃水陸剋期發上游奇兵自

百柱堂全集

卷十七

八

皖出疾若鷹脫鞵一鼓覆其穴刮此腥穢羞江海盡澄汰齧
極安何憂行矣告賢帥借箸贊此謀子志旣克展我衰甘林
印捷書慰老眼日登江上樓

咏庭下女蘿

汝抱纏繇性吾憐宛轉容莫教榮曲木只要附喬松舞影時
疑鳳蟠空亦學龍扶持依正直偃蓋卽高峰

秋寄袖石觀察

潭潭卧虎在申陽顧盼威能靖寇場部下耕耘安枕席尊前
談笑壯金湯彩毫興湧詞源水繡斧秋生武庫霜可憶故人
成釣隱扁舟終日咏滄浪

傳我泉以詩屬校讀其癸甲以來諸篇重有感焉率題其後

我泉名筆可
崇陽副車

我誦傅子詩念亂最深切枉矢經南天蒼生盡流血薦食江
沔間宗國再淪滅惟昔重爾人痛哭秦庭徹亡國可復存豈
不在豪傑寥寥千年來英風何歇絕詎知包胥倫跽伏在巖
穴負母逃山中獨全志士節雖無丈二戈爲

國剪凶孽仰天發悲歌大義肝肺熱上推姦亂萌禍始禁防
裂下言鋒鏑餘未可困搜抉詩人洞先幾高識眾難埒撫事
觸憂端蘊蓄偶一泄耿耿康濟心什九祕肩鏞惜哉滯衡茅
不佐前籌決天兵近掃除

百柱堂全集

卷十七

九

國恥足振啟神靈翊

中興舟楫望賢哲將子謝邱園無爲守故轍早持經

國謀巖廊往陳列

荆南策蹇圖爲伊猗君司馬題

驂騑逸足不得展悠悠駑騶誰能辨憐君蹭蹬向風塵垂老

荆南還策蹇榭竹江干暮復朝笑看鯨浪已全消吟鞭緩拂

沿隄柳往往尋詩似灞橋君不見承恩敕賜飛龍馬朝天學

士風流寫又不見將軍馳驅汗血驄破陣擒王歸奏功霜蹠

意氣輕千里驕嘶振鬣長風起君獨胡爲困泥滓峻阪鹽車

悲騷駢吁嗟乎黃金臺圯生蓬榛英豪自昔多沈淪乘輿探

梅亦良得不妨權作孟山人

琴銘爲汪小臯學博作

枯桐閱世三百年龍脣雁足誰所全泠泠古調爲君傳松風
萬壑鳴秋泉

霽後偕耀卿城西湖濱晚眺

秋霽碧雲迴流眄城西陂湖陰送暝色瑟瑟涼颺吹昨者共
銷夏蓮葉何參差綠淨杳如海亭午回炎曦今來曾幾日渚
荷颯已衰蕭辰變物色萬化潛推移所遇感搖落悄然中自
悲願言勵明德及茲壯盛時令名不可替金石以爲期

送伊猗君司馬之官安州

百柱堂全集

卷十七

十

老去詩人仍外吏蕭然一櫂向安州天涯淪落青衫客不聽
琵琶也淚流

秋來鷗鷺拂雲飛稻熟江湖雁鷺肥芝草琅玕何日長人間
猶有鳳凰飢

黃葉深山好句傳詩家三昧證唐賢衙齋秋興今何似寒雨

荆榛倍惘然

雨中黃葉下深山司馬句也

蔡則山水部過訪

一出承明萬事非津門望斷白雲飛故山松檟阡難表徧地
戈鋌客乍歸竊發楚氛仍未淨無家齊贅且相依相逢莫話
年來事空遣汎瀾淚滿衣

庾園羅宅跡多荒子美淹留興倍長詞客最憐騷國路詩人
難得水曹郎芙蓉江上遙堪采蘅杜秋來迴自芳屈宋銷沈
誰摘豔待君千載一褰裳

送展其秋試

是歲楚闈以九月舉行

鵠立才如海英詞獨擅場一鳴中奇律萬馬避飛黃楓助泥
金豔梅迎淡墨香大羅高咏夕寒帶羽衣霜

方叔元戎望陶公命世才危疆重拓宇戰地亟翹材浩蕩翔
鵬路崢嶸選駿臺雨湖謝漁隱高舉勿徘徊

八月十六夜江上玩月寄耀卿

玩月誰最奇江與月交蕩月輪浮海來江氣挾秋壯異彩騰
百柱堂全集

卷十七

十一

晶瑩流輝射滌瀆天門斂遊氛水府燭瓊狀驪龍潛九淵抱
珠不敢向長颺颯然鳴中流蹙驚浪羣山俄動搖銀闕眩蓬
閨疑見眾飛仙招手金鰲上便欲從之遊九垓恣跌宕忽憶
素心人渚宮邈相望清光可攬贈路遠默惆悵焉得共方舟
羽衣振高唱

李迪菴中丞之師覆於居巢公亦殉焉作悲廬江弔之

長驅皖口城當拔獨赴廬江勢已分百勝全威傷一蹶重圍
絕地覆孤軍須臾陣没人皆痛延伯身亡寇益紛自鑿凶門
知不返猶傳涕淚灑江雲

出師時揮淚登舟

又弔李迪菴中丞

傑出羅山門下士恂恂無過李將軍孤羸屢折貪狼勢一鶚
橫凌鷲鳥羣越石壯心終不遂嫖姚天幸竟無聞五年精銳
同殲盡誰與東南掃寇氛

悲歌八首

朔風江上日悲歌天醉茫茫竟若何外侮內憂爭跋扈勁兵
良將總銷磨鯨鯢巨海殊難測豺虎中原亦漸多聞道黃流
水易合誰提突騎起防河
唐家畿甸化爲烽不失河山四塞封猶幸江淮通轉運未妨
關輔闕租庸豈聞飛輓諸方梗但倚滄溟萬里供廩廩軍儲
籌不易徒勞仰屋大司農

百柱堂全集

卷十七

七

神功昭代邁軒轅按劍威馳九塞奔北部羈縻踰大漠西邨
斥候越崑崙名王入侍千官肅窮島輸琛萬國尊誰道長鯨
能掉尾三山蹴動海波翻

趙佗臺畔起戎機鬪母風號海水飛軍似棘門真可襲節隨
植客竟無歸寇裳鱗介寰中雜城郭人民眼底非欲斬長蛟
無利劍空教志士日歔唏

渤海雙門碣石標鸞帆飛渡一何驕遽驚突厥窺關內誰導
匈奴犯渭橋蜃市凌空工作幻蜮沙吹毒敢爲妖漢家表餌
多奇策拜捧金繒戴

聖朝

鑿空奇情鄂渚喧，夸艘入泊楚東門。
鮫人濯錦臨江漢，鯢族移潭挾子孫。
百變水嬉成曷衍，雙流天塹撤籬樊。
珠盤玉敦交驩甚，鈴閣樓船迭舉尊。
飛將橫戈出楚疆，孤軍陷伏寇方張。
徒摧銳氣敖曹沒，未殄紅巾察罕亡。
報國熊羆空壯烈，滔天蛇豕復披猖。
功名不作韓擒虎，誰出橫江取建康。
登壇再起應河魁，慷慨臨戎尙墨綬。
廬墓詔催鵬舉出收軍，人慶子儀來指麾。
立變旌旗色奇傑，先羅幕府才破膽。
威名堪走敵，今看楚塞廓氛埃。

不寐

百柱堂全集 卷十七

三

雪涕哀南將披衣望北辰，飄搖傷亂客寥落濟時人。
警鶴遙聞夜鳴鷄，漸嚮晨枕戈空有志江海媿閒身。

戊午季冬登江陵浮圖

滄洲孤塔聳雲端，絕頂高凌俊鶻盤。
風捲天聲橫野屬，沙沈日氣壓江寒。
愁來出世談何易，老去驚人句總難。
苦憶東南烽未息，不堪極目倚危闌。

與淵甫耀卿西垣別後是夕舟次對月有作

斜日章華寺依依，送客艫離心將夜月對影度。
重湖一碧波初定，三清翳總無歡條纜。
俯仰高咏已成孤，

洪湖守風

夙憚洪湖險驚爲北洞庭風波欺客艇泉石冷巖肩浮世機
難息凋年唇不停將書問蘿桂先報草堂靈

舟發洪湖

昨避驚濤險今看駭浪收長天浮積水元氣合虛舟地訝淪

蛟室人傳出蜃樓

父老言此湖在
歲曾見蜃樓

家山纔一髮招手卽林邱

小除日雪霽登山縱眺

常來阻雪望家山對雪今年客已還雲淨九閭懸日馭峰攢
萬笏拱天關市兒臘鼓聲喧耳野老村醪喜動顏召募從軍
年少子飛舟頻下洞庭灣

彭雪琴觀察石梅歌

百柱堂全集卷十七

古

觀察隨兵侍曾公將樓船出湘東擊粵賊於大江鄱湖血
戰數十皆大捷乘勝艤舟吳城之望湖亭下吳城舊爲三
國時周公瑾練水軍地是日觀察置酒亭下飲酣客言亭
側有巨石卧地文作老梅根幹觀察固善畫聞之大喜因
就石上點筆作疏花相間并書舊作梅花十絕於側好事
者鑄置亭畔有傳拓本示柏心者壯其事遂賦是詩

鄱湖戰烽石不裂文作梅根勢奇絕天然斌媚誰着花補筆
神功仗人傑人中之傑彭雪公戈船破浪乘長風奪江奪湖
數十戰戰勝直泊吳城東吳城舊日周郎鎮彭郎再見威名
峻凱歌張宴望湖亭水國千年兩雄俊醉驚巨石眠蒿萊橫

斜影墮孤山梅彭郎善戰復善畫攢花作棠春風回解衣盤
礴氣莫當老筆寒飛武庫霜迴抱冰心銷燧火堅撐鐵幹掃
機槍興酣鑱刻置亭右銘功小試磨崖手拏攫真驚熊豹姿
屈盤堪怖蛟螭走彭郎今將習流兵請往擊楫收臺城盡覆
凶巢磔元惡域中江海波澄清石頭城下巉崑石萬樹梅花
可盡勒壯哉石梅古誰埒將軍大樹武侯柏

再題石梅一律

胸有龍韜筆有神石梅奇格獨標新雄風特壯江山色正氣
先回天地春劍鋸荆殘銅馬隊戰袍飛徧玉龍鱗餘情尙覺
消難盡喚起周郎共飲醕

百柱堂全集

卷十七

五

除夜憶及齊安行營時宮保胡公駐節軍中因賦是詩遙致
閔勞之意焉

丹心酬

聖主墨經任長城竟罷府中宴出屯江上兵枕戈申
國討挾纊慰軍情惟有

君親淚決瀾直到明

山行絕句七首

己未

前山驚鳳舉後嶺訝龍盤招我共翔逐遊戲青雲端
谷深罕人跡磴迴復縈紆喚破空山寂一聲山鷓鴣
草根未萌芽生機尙如過微見石罅流涓涓泉脈活

笑謝明堂選般斤幸得全春來忘蛻甲髡叟不知年
山家止我宿燈火勸松醪君悉東南事何時解戰袍

晨起別巖岫浮生苦未閒白雲不輕出送我便還山

我從雲霧來不記來時路回首過來山蒼蒼但雲霧

西湖襖飲圖爲汪蓉垞參軍題

平生未泛西湖曲畫裏烟波看不足秀色湖山天下無晴空
渺渺浮春綠參差楊柳覆亭臺灼灼天桃沿岸開誰家上日
聯羣屐汪子英英尤逸才湖光如此真妍麗何獨山陰始高
致依然觴咏集羣賢天朗風和修禊事披圖想見盛風流誰
料征鞞動地愁戈鋌幾接臨安境湖上頻年罷俊遊任達元
百柱堂全集卷十七
六

江左夷吾要有人

答汪省吾大令

計車倦涉

帝京塵姓字徵書徹

紫宸頗訝高才淹墨綬總緣多難避黃巾陶家松徑能無憶

潘縣桃花別有春瘡痍楚黎今亦憊亟須良吏察噸呻

燕臺惜未接簪裾子季仍叨附鶴書送遠正臨黃鵠渚傳詩
爲訊白鷗居相看末路飛沈異獨悵流年鬢髮疎地下雙龍

埋劍氣因君懷舊更歛歔

竹侯逸齋皆子執友亦皆君友也

贈李湘秋

汝吾故人子環堵古城傍奉母獨辛苦吟詩皆老蒼流離經世故踳躓向名場猶有憂時淚東南尚虎狼

哀意劬

湛寂甘違俗清羸復善愁嘔心向篇什腕骨委山邱水竹悽無色

君自題所居曰水竹莊

煙蘿黯若秋流傳比興體恐是漫郎儔

正月廿有八日大雷電風雨

挾風霆四擊穿雨電橫飛震怒驚何疾初春見亦稀陰雲猶布黨陽德故先威消息推洪範誰能測化機

百柱堂全集

卷十七

七

越日寒甚

凜冽何爲至方春與令違雷先龍啟蟄雪阻雁遲歸列幟將軍幕嚴風戰士衣誰吹鄒衍律早晚變寒威

春雪

萬里龍荒雪隨風入塞來花驚春豔發光燭化城開豪客銷金帳妖姬暖玉杯豈如對風景授簡命仙才

雪後登山

瑤華本無種忽逐春風開散入千萬樹流影何皚皚垂老富清興杖策凌崔嵬連山峙羣玉恍躡閬風臺仙人控玉蚪自酌流霞杯借我一白鳳相逐翔蓬萊清英集五內灑氣爲胚

胎超然覽入極俯仰遺形骸回首視塵壘局促何爲哉

雪眺

家山眺雪陟縈紆直躡單板輿不孤蕩蕩層城環岫壑沈沈
雙練卧江湖光凝宙合塵氛斂潤入郊原草木蘇目極長空
雲斷處歸程遙見雁行徂

春寒

暄序寒如此嚴風暮復朝雲依江上宿春向雪中消谷冷鶯
期誤天長燕路遙勾芒疑失令花柳闕芳韶

新柳

江上新晴弱柳枝東風吹起綠參差鱗渠盡日離亭舞搖蕩

百柱堂全集

卷十七

六

春情寄與誰

野夫

遊止亦無定吾生出入機興隨花柳往倦逐水雲歸暝色起
遙岫和風吹我衣野夫任狂簡適意足芳菲

芳序

芳序誰相約山桃一夕開老欣生意遂春驗化工才穿樹黃
鸝露窺簾紫燕回風光共流轉幽賞起銜杯

雪琴方伯自軍中枉書兼寄墨梅裁詩報謝

隱矣空山不用文潛夫誰遣度遼聞春來鷗夢閒江渚天外
鴻書下陣雲竟許平交魏公子幾時長揖大將軍相酬惟有

書生筆待紀平淮冠世勛

封題初展墨花奇明月空山寄一枝不覺冰霜心慘淡只驚
忠義氣淋漓閒情放鶴高吟外餘力屠鯨血戰時老幹總期
扶日月端然天柱壯撐持

寄贈雪琴方伯

明公威略震江湖水國鯨鯢避舳艫直卷白波傾酒棧不煩
黃石授陰符雅歌意氣軍能暇緩帶風流將是儒東下三山
帆進指凌波蒼兕正堪呼

王樂山太守殉節詩

直冒危城入稱官便死官策名心敢貳蹈刃色無難父子亡

百柱堂全集

卷一七

九

相繼忠貞事獨完浩然真氣在終古楚山蟠

加秩仍延

賞恩叨

贈卹隆九原銜

帝澤百代作臣忠廟食滄江上英靈碧漢中貪狼猶待射披

髮下援弓

哭鶴人中丞同九曾農部作

經年成債帥所至用飢軍寇熾援先斷功遲謗益聞夷傷仍
苦鬪身首遂橫分耿耿孤臣志惟持死報

君

登壇驚齒少操翰患才多縱有威名盛其如齟齬何志悲周
處劍力盡魯陽戈得計豺狼輩歡呼醉復歌

崎嶇完大節毀譽任當時將略誰無短家聲實不墮繼鷹安
得擊繫驥豈能馳局外持公論非因薦禍私

述感二絕句

氛連桂水踰湘水燧徧祁陽復邵陽五萬義軍同荷戟翻教
銅馬得鳴張

三千鐵甲蕩浮雲一戰湘潭盡掃氛今日豺狼仍壓境援袍
空憶塔家軍

濃雲竟日不能作雨

百柱堂全集

卷十七

三

潑墨奇峰畫不成南來雲陣似連營何因快助翻盆勢倒捲
銀河一洗兵

歸舟寄耀卿

縱櫂西風裏閒鷗相伴飛流雲收雨過輕艇載秋歸離緒頻
縈夢家山慙息機晚看涼月上坐惜故人違

病瘧得無名藥草止之立效作詩頌其功

邁叟患秋瘧偃卧無所營孱軀畏投藥小國憚用兵坐視水
帝裔作態何縱橫睚眦氣候變翻覆炎涼更野人走視我手
攜藥草莖但取兩葉許嗅之如解醒瘧鬼疾逃去形神豁然
清秦人欺馬服不泄武安名謀畫默已定一舉阮長平吁嗟

此藥草倉扁所未評用之效最捷悍敵失其勅英傑有韜匿
小物喻至情寄言選將者毋但先虛聲

中秋雨夕

涼雲挾雨黯深更不見銀蟾海上生
衮衮百年幾圓缺悠悠萬事一陰晴
當歌金管猶遲奏吐穢華鐙故鬪明
除是龍文雙劍氣倚天能掃碧虛清

芟竹種松二篇和袖石同年

邊侯愛竹取疎直亭亭特表琅玕色
紛紜穉筍尙斬除何論荒榛與叢棘
一夕春雷拔地長凌雲傑出冠班行
龍吟鳳嘯無凡響會有伶倫獻

百柱堂全集

卷十七

廟堂

三

東方夜失蒼精龍化入平地爲喬松
邊侯一日再三撫竦然如對徂徠峰
天遣孤根標正直扶持况有神明力
山深霜雪蟄龍蛇看汝蒼寒淨黛色

八月十七夜江皋步月作

中秋待月月不吐瑟瑟涼飈送疎雨
今夕流輝獨炯然更遣纖塵置何許
病叟江皋踏月行冰壺世界納空明
三山欲逐飛光湧萬里惟餘灑氣清
却憶前宵風雨競姮娥不啟山河
鏡遠塞雲沈旅雁書疏簾鐙暗寒蠶
徑圓缺陰晴總偶然暗中只惜換流
年不願服丹鉛不願髮重元但願三
萬六千日

金尊與月長周旋

十八夜月下寄耀卿

江樓初上月望遠一高歌不道清輝減翻增別思多羣英廣
法曲之子闕雲和正欲題書訊賓鴻天外過

隆兒歸舟未至

渺渺蘆花岸滄江秋氣深收帆何處宿擁被纔回吟日夕睇
遙浦風波愁我心歸舟猶未達不散碧雲陰

寄遇兒都中

玉宇浮閭闔金臺集俊英但期儲杞梓莫擬賦都京曲學尤
宜屏先資未可輕歸時問關吏應識棄纒生

百柱堂全集

卷十七

三

聞楚中將帥議會兵東下

南顧氛都掃東征穴可摧上游宜秣厲進發莫遲回帝怒聲
方赫天誅網自恢師行申弔伐只在戮渠魁

盡日

簷宇棲山靄江天結晝陰孤懷寄幽迥萬象入蕭森盡日屏
塵務徂年違壯心養疴搔短髮渾欲不勝簪

晚過山寺

招提藏複嶺寂寂謝塵氛灌木會秋氣虛簷宿野雲湖光澄
漸斂谷籟靜多聞向暝遂言返微茫徑略分

寄鍾雲卿太守夷陵

蕭寺分襟春欲歸滄洲又見早鴻飛江聲西轉黃牛峽秋色
東連白馬磯蜀舶相銜津市盛楚氛新掃羽書稀何時一襪
清尊共叢菊垂垂紫蟹肥

秋望

江上浮雲接渺緜家山秋望正無邊蕭蕭遠樹將沈浦冉冉
孤帆直到天冷蝶寒蟄催物候來鴻去燕感流年層陰只作
蒼涼色欲倩西風掃暮煙

秋陰

江上秋雲斷復連秋陰如夢更如煙飛來一鷺翹沙際渺渺
蘆花水接天

百柱堂全集 卷十七

五

雨中遣興

驟驚秋色老亭皋抱葉寒蟬亦不號谷籟畱風回激楚江雲
含雨助蕭騷登臨物色重陽近搖落心情百感勞差喜牀頭
新醞熟只須痛飲進霜螯

徑荒

秋氣何悽厲秋懷不可任風傳孤鶴唳野送百蟲音黃葉當
窗下青苔及榻深徑荒同仲蔚日夕復愁霖

吟秋

壯懷無所寄日日起吟秋不屬靈均怨非關叔寶愁深悵耿
廉直亮節變英邁適與商聲感機緘豈自由

積雨新晴行將赴郡

秋陰漠漠送連朝今喜晴光盪沈寥風定谷音聞灌莽雨餘
山翠逼層霄相看令節鄉關近忽悵征帆水國遙衰鬢栖栖
猶旅食飛蓬何日息飄搖

吾廬

吾廬原不異郊坰天與荆關好畫屏林旭透光涵露白家山
作意向秋青箒車野穫趨相競簫鼓神叢走未停蓬藿逃名
車馬絕只容猿鶴叩巖扃

晚眺江上諸山

欽崎各殊態無數隔江山秋骨望中健雲情天外閒自漸涵
百柱堂全集

卷十七

十四

塵壒相對阻躋攀何日巖栖果攀芝學駐顏

蕭晨

風物重陽近蕭晨晝總陰山容歸斂肅江氣抱清深菱葉何
先隕輕霜亦未侵化機原默運榮落本無心

村行

修蘿裊虛谷灌莽接荒畦向暮村春急先霜野穫齊雲陰仍
罍歷遠色倍淒迷未覺農談倦前林鳥欲栖

晚秋渚蓮猶有作花者

蕭蕭風物偏重陽折葦零葭各避霜猶有芙蓉矜獨立一陂
寒水鬪紅妝

重陽前一日寄耀卿

千里登高約衝波忽閒之遂成山墅會竟負渚官期紅樹驚
風雨黃花笑別離人生動多阻燕賞亦差池

芝房没半載矣始能爲詩以述哀

昨歲維舟訪空然悵薜蘿只言增契濶誰道渺山河故里烽
塵接沈憂骨肉多長離返丹穴不復翮卷阿

雄詞金馬客寂寂向蒿萊竟作終童夭徒深楚老哀著書表
微旨體國失通才二俊俱凋謝

兼謂
梅生湘雲鬱不開

九日寄耀卿

故人遲我遠揚舲九日仍爲里巷停佳興獨傾桑落酒移文

百柱堂全集

卷十七

七

無待草堂靈江浮樹色來荆渚秋挾山光下洞庭兩地登高
各惆悵離鴻向晚更愁聽

九日書懷示舍弟子章二首

經旬風雨滯征程九日家山始放晴高會忝爲猿鶴主和歌
難得鶴鴿聲丹青巖壑秋尤麗金碧雲霞晚更明眼底幽栖
堪送老只應松桂鑒吾盟

九日光陰宜故里百年天地着閒身難催籬下黃花綻易放
尊前白髮新壯齒羈遊虛令節暮情搖落向蕭晨惟餘不淺
登高興欲駕長飈俯入垠

九日薄暮一蟹升階不知自何來也取以佐酒

豈有文章似長卿，無勞入夢兆橫行。不教孤負黃花節，郭索親來就麴生。

將赴郡以風舟不得發

征權經旬阻石尤，朝朝吟望白蘋洲。藤蘿僻處都登徧，直爲家山緩放舟。

今年羈客返柴關，盡日行吟江上山。秋興故鄉差不負，寄言猿鶴莫愁顏。

江上縱目

征裝猶未別巖扃，且爲登臨復少停。危石春濤鳴急瀨，斷雲閣雨帶長汀。林陰助暝全成碧，山色留人特獻青。高咏兼憑

百柱堂全集

卷十七

三

秋興壯魚龍，驚起暮江聽。

漫成

老筆增悽壯，多因秋興成。千巖森石骨，萬籟赴商聲。塞馬霜蹄健，林鷹鷲氣生。何如棄柔翰，往事曼胡纓。

予懷

望遠子懷渺，雲山千萬重。何人登橘柚，無路寄芙蓉。平子吟空託，潛夫論久慵。垂綸隨所適，煙水足從容。

志士

川原鬱相接，秋老益蒼涼。風雨爭鳴夜，園林欲變霜。曜靈催急景，志士惜流光。何訝著書客，終朝仰屋梁。

雲陰

桂花期接菊花期日日雲陰匝地垂誰翦秋光如此碎斷煙
零雨送絲絲

秋霖

聞道滄浪溢秋霖潦更多稻梁飽魚鼈兵革化蛟鼉上策忘
分勢奇功慕塞河一家縱鄰壑汎濫奈愁何
聽雨不寐

卧聽秋窗雨蕉桐響未殘階攬蟲語碎枕墮雁聲寒隴畔渠
將溢軍中幕不乾無眠愁擁被更覺夜漫漫

放櫂

百柱堂全集

卷十七

七

秋深放櫂獨西征風定湖波不復驚煙雨淒迷渾似夢水天
蕭曠更無聲依依猿鶴臨江怨眷眷鷗鳧導客行寄語家山
舊蘿桂歲寒吾不負前盟

野泊

回汀暫泊似浮空渺渺湖天望不窮孤艇雞栖煙雨裏數家
鷗寄水雲中根翻荒莢寒鳴瀨益卷殘荷力戰風蕭瑟情懷
誰共語草間時自咽秋蟲

泊舟湖上老人雷姓移舟相訊蓬窗欵語良久別去疑其隱

君子也憮然爲賦一詩贈之

鼓柁煙波少世情殷勤艤楫慕班荆潛郎久自淪江海漁父

猶勞問姓名却顧誅茅纜咫尺相畱折芟若平生悠然與盡
拏舟去葭菼西風向夕鳴
雨泊湖濱

湖中三日雨風作復停船漠漠迷宵晝茫茫混水天鴻濛如
邃古蕭瑟總寒煙獨客情何限愁飄若箇邊

湖中雜詩

八首

葢卷荷翻白花疎蓼浥紅鷺鷺拳未穩驚起避西風
半篙通淺渚便得避風灣只隔葭浦外春天浪若山
夜闌風更鳴風定雨不止風雨兩無聲軋軋絡緯起
不復辨扶輿誰能測朝夕橫空風雨中一片秋濤白

百柱堂全集

卷十七

庚

天形垂在湖浸浪與終古疑溼水中天朝朝透秋雨
雨止起鳴榔湖天更朝霧遙聽鳴雞聲茅茨定何處
墜粉蓮房溼低垂盡拂篙無人擷秋實零落委波濤
杳冥如古初漉瀆無津岸但見白鷗飛衝破蒼煙斷

舟行值秋潦慨然興咏

二首

我行西沂流秋漲浩無際云是滄浪波橫溢勢所至當茲孳
斂時猶復盛金氣二曜韜其光累月羲娥避悽風宵怒號陰
雲晝沈閉閣閣鳴未休蛙黽穴中沸楊柳如春條青青臨水
次橫潦既不收愁霖復相繼晚實沈波濤飄搖委嘉穊靜念
陰陽愆感召恐非細兵甲猶未休淪胥益凋敝生民何不辰

對之爲垂淚扁舟凌蒼茫泛泛水雲寄垂白仍道途違言策
康濟

漢水入楚境州邑環其旁治隄以捍衛然後安室堂饒沃略
相等視隄爲存亡自從今年夏北塞南不防開門揖蚊蠶濁
浪排天黃隄北賽田祖隄南淪滄桑安危判畛域豈曰由彼
蒼禍患在眉睫昧者實自忘壑隣此則病激流彼亦傷吾聞
善導水非恃力能障厥渠殺厥勢畚鍤功乃彰漢志著三策
今誰采其長

曉發

潦多奔赴壑雲霽散還山宿鳥起相命征帆亦不閒朝光上

百柱堂全集

卷十七

无

林莽秋色老鄉關計日渚官友清遊許共攀

舟次漫咏

秋潦縱橫不見津田廬稅稻委沈淪垂楊盡是傷心色却換

青青二月春

舟過立甫故居賦絕句悼之

神鋒纔一試遽自折干將尙有英雄恨悲風激草堂

曉渡長湖

地是霸王國湖當鄢郢間天空圍廣澤水險敵重關往事雄
圖渺秋帆客夢閒曉鷗貪淺渚飛去復飛還

芝鹿几銘

三首

支離其德我與爾卧隱嗒然南郭子蒲輪徵車不及此
安不汝離危不汝遺予散人也故惟散木之是知
汝歸於樸我息其屛將共處夫材不材之間

百柱堂全集

卷十七

三

百柱堂全集十八卷

己未

庚申

監利王柏心子壽

張兵部宅石歌

石在宅前狹巷中乘月偕箴三亦淵耀卿往觀之

兵部故宅生蒿蓬蕭條狹巷輪不通夜深星月光射地歛見
衡岱凌寒空泄雲吐雨無由顯鬱勃穹窿莫能展昔登甲第
嗟嗟峨今委頽垣甘偃蹇同行數子駭且誇復與感歎爲咨
嗟世無米顛解好事終古埋沒隨塵沙初平之羊叱卽走芥
子須彌納何有仙靈奇幻亦難測神不能偵鬼難守廡下踏
瑟何爲哉年年風雨生莓苔不能飛去不變化負此雲根絕
世才聶生好奇實過我請效夸娥志必果直須指顧麾百夫

百柱堂全集

卷十八

一

牽綽裏毬無不可會當移置十畝園特放芙蓉青數朶我初
聞此意憮然古來抑塞多豪賢望也鼓刀信寄食豈殊此石
遭迤邐生乎有力肯移此石不能言色應喜又恐生言或虛
託金牛力士久難作歸來繞屋猶沈吟直至參橫月將落

寄贈耀卿

文學諸生逐隊陪羣中今始見龍媒幾年霜鏑韜奇氣一日
風簷賞俊才

受如學使有俊才之目

汲古好垂千尺綆修名如築九層

臺相期弱水能飛渡直躡金鼇頂上來

寄李生雲梅

一門昆季盡諸生第五今齊驃騎名小阮入林仍把臂大羅

高咏定同聲章縫兩代娛斑彩文史三冬富短檠君等莫忘
天下任吾衰還望濟時英

自沙津赴辰州別春澤箴三耀卿

一櫂津亭悵解攜朔風吹雁更悽迷江流未似天涯月不送
行人過五溪

舟次寄耀卿

日躔遵北陸客櫂赴南征郢樹通黔迥江波入澧清故人成
契澗晏歲逼崢嶸酌酒未能醉起看霜月生

自武陵至夜郎皆古黔中地

沂澧

悠悠浮澧澧古緒忽然臻蘭芷思公子蒼菴怨黨人騷音如
百柱堂全集 卷十八 二
未墜素瀨絕無塵亦有廉貞志彈冠沐甫新

朗州感甲寅事

唇齒連荆峽湯池帶澧沅如何味重閉亦未乞分援往錯安
能鑄前悲忍更論通闕仍復舊恐有未歸魂

武陵道中

迢迢楚客歷重關天入南荒不斷山灘響似爭三峽險土風
初涉五溪蠻蕭條岸芷沈騷怨迤邐霜楓絢客顏不慕封侯
不持節年華送老道途間

過河洑贈彭器之太守

滔滔沅澧匯重湖縮穀通津此要區蠻塞名材浮澗壑漢家

權法算縉租取資飛輓千軍足坐對溪山一事無年少繡衣
能借箸濟時何必讓夷吾

桃源曉發

古臨沅也

置縣臨沅水途當鼎澧西蜀黔通百產辰酉納諸溪往事烽
曾偪仙源路久迷征車催曉發川上散鳧鷖

白馬渡

我呼白馬渡如駕蒼螭遊天借日華浴波將山翠流窗低數
觴鯉棹過起鳧鷖聞道仙源路籐蘿不可求

桃源洞距此不遠

鄭家驛

荒驛通蠻塞朝暉散錦文峭崖不戴土懸澗只流雲霜磴樵
百柱堂全集

卷十八

三

松滑山園拾橡勤自然淳悶俗可以鎮羣紛
翠鳥

山深多翠鳥往往悅晴暉照水自矜惜見人先避飛栖遊恒
不妄矰繳自然稀寡識悲嵇呂何曾燭禍機

輿中偶成

盡日山光澗影中或騎翠鳳或騰虹偶然得句旋忘却恐化
飛雲上碧空

漫咏自嘲

竹擁千夫纛松垂五丈旗征人無使節夾道有旌麾

太平鋪

過此則入長州境矣

過此忽開谿休嗟偏仄行郡分乘嶺斷稠峻瞰川平漢法羈
縻久蠻鄉瘴癘清舞干懷

聖化桴鼓不須鳴

入沅陵山行益峻

山縱蠻荒險雲橫瘴塞遙雄堪蟠厚地峻只礙穹霄歲暮途
逾迥冬深暖倍饒長林與豐草霜後不曾凋

土風

莫道巖居苦巖居事事幽通泉竹作規枕壑石爲樓傍舍蔬
畦密籠山茗利優土風皆使女負戴幾時休

至界亭驛始見垂柳

百柱堂全集

卷十八

四

邃壑高峰絕少塵松杉栝柏競輪囷依依忽見郵亭柳便似
江鄉遇故人

辰龍關

連山蟠辰龍峭壁削精鐵迫狹不容車仰視但巖嶂鳥飛不
能踰走獸迹斷絕一夫當關門百萬足摧折雄壓溪峒間胸
腹可披裂盤瓠氣不驕鉗制倚肩鏞地形信便利將略仗雄
決自從莊躄來知經幾喋血丸泥曾未封謀乖遂蹉跌不聞
古轂函恃險多覆轍道隆銷亂萌運替啟臬桀愧無勒銘才
迹往示深切倚崖發浩歌天風助激烈

入辰龍關

環塞千峰類削成文淵慷慨此南征豎儒不縮封侯印老向
辰龍關上行

馬鞍關

昨過辰龍愁今晨度馬鞍重關丹嶂表孤劍白雲端奔走嗟
年往風霜偪歲闌去鄉二千里東望渺漫漫

芙蓉關

芙蓉關獨峻濃翠插晴空貪看峰巒秀渾忘障塞雄攬身疑
控鶴吐氣欲成虹呼吸天門近猶慚句未工

踰清山坂

憑崖四顧俯飛鳶直覺雲霞與比肩孤折一梯凌黑塞橫磨
百柱堂全集

卷十八

五

萬劍倚青天溪山奇勝收囊底夷獠全形動目前足跡九州
經大半壯遊誰道在窮邊

至辰州呈墨莊師二首

詞臣乘傳領專城坐嘯能令瘴癘清蒼狗浮雲羣態幻白鷗
流水此心明折衝境上無烽燧磨盾胸中有甲兵伏莽潛銷
終不伐渾忘智勇與功名

憶詢奇字侍尊前不叩元亭十五年馬首敢辭千里駕龍門
重謁百蠻天滄江飛輓時方急邊郡栖遲久未遷世事多虞
離索易臨歧無語共茫然

贈戚少雲太守

邊吏身輕血戰餘書生才略任戡除論功遂擢二千石表異
先乘一丈車暫借箸籌資筦權仍煩囊智佐儲胥相期迅掃
鯨鯢後寬法無妨結網疎

飛霞嶺畔停遊屐明月山邊訪故人已覺頭顱增白雪何堪

涕淚說黃巾蠻陬邂逅開樽地晏歲蕭條放棹晨天下安危

公等在吾衰歸計只垂綸

飛霞山在辰州郡署明
月山在辰州南門外

辰州郡齋眺遠呈墨莊師

坐嘯從容鎮百蠻時平吹角戍樓閒憑闌碧合雙江水

辰酉二溪

會於城下郡人稱爲二江繞堞青歸一郡山

文德累朝移獷俗要荒終古峙雄關東陽賢守傳家法八咏

百柱堂全集

卷十八

六

清風可再攀

辰州

秦置黔中郡唐開招討營五溪歸控扼百峒俯縱橫綏化期
無擾懷邊在至清惟良二千石方足寄專城

老矣百無慕南荒汗漫遊非工蠻府語或類賈湖畱邊郡圖

經少師門禮數優風騷渺蘭芷在渚亦難求

百曳灘

漢劉向馬成征五溪蠻至此灘用百人曳舟而上後
以深入戰歿灘名始此

百曳名猶憚孤舟客乍經蠻天銷戰伐漢將泣精靈浪外橫

飛雨中怒走霆須臾欣出險激箭不曾停

北斗灘灘石如斗杓

畏路心旌日自搖扁舟愁犯石巉嶮浪花飛送東歸客灘勢
迴成北斗杓猿狖尙驚高嶺墜魚龍故向旅人驕區區忠信
聊相試爲語篙師疾奮櫓

北溶土人呼水深處爲溶

北溶深莫測地軸若爲開石布千軍陣濤轟萬古雷衣驚湍
雪濺舟躍浪花來蜀客罕經此惟誇灩澦堆

清浪灘

灘凡四十里號爲極險上有伏波祠壺頭山在其左

蠻江石作底清浪石作面石與江爭雄截江若斷綫江怒益
喧厖萬古與石戰雷霆據爲宮日月隱不見輕舟出其間恐
犯蛟龍嚇榜人爭奮橈疾下如飛電擲出浪花中萬象皆變
百柱堂全集 卷十八 七

波傳

伏波祠

隴蜀初平戰伐間君王已閉玉門關請行何自先諸將垂老
猶思效百蠻長者家兒工論訛中興圖畫絕躋攀惟餘廟食
沅江側不負孤忠裏革還

壺頭山下感宋均事

文淵忠壯固無倫勝算還當屬宋均矯制受降兵不頓誰知

謁者是功臣

舟望明月峰愛其峭蒨甲諸山

單椒削碧玉娟秀何多姿霜雪冬不犯綠蘿森蔽虧環麓蔚
芳草萬古含華滋碧潭映其下端然明鏡窺仰睇忽軒翥鸞
羽參差垂又如青蓮花卓立當空披雲霞挾飛動不借天風
吹欲渡滄波去蓬壺與肩隨蠻徼富崖岫荒怪饒險巖茲山
獨秀拔縹渺尤靈奇似聞絕頂上復有明月池羣仙酌沆瀣
相勸餐瑤芝安得假羽翮高舉相遊嬉

舟次漫成

南行千里涉邊陲日覺峰蠻入望奇開闢茫茫莊躋路英靈

百柱堂全集

卷十八

八

處處伏波祠蠻江舟楫通黔蜀民俗歌謠雜漢夷歸客渾忘
途遠近浩然山水興方滋

寶子洞

目石臨河溪窾其中大如百斛
窾故有是名

石腹坦江干呀然露空洞或云龍宮藏百寶蓄玆寶或疑麴
蘖徒千斛酒船送聞當春漲來吞吐萬山開亂石排狼牙人
鮮隱堪痛崖罅趾不容百丈莫由控鐵索誰所施絕壁得飛
鞚我來屈嚴冬寒流縮且凍惜哉無飛淙妙聲闕虛空何當
傾五溪石窾發奇弄廣樂張洞庭一振鈞天夢

蠻江

蠻江一望斷人腸猿畏臨崖鳥憚翔回首伏波祠下路不聞

吹笛也雷裳

古今注武溪深者馬援南征之所作也援門生爰寄生善吹笛援作歌以和之名曰武溪深

雨泊桃源洞

寒雨宵鳴沅水濱維舟難訪避秦人自慚仙隱皆無分不逐

漁郎更問津

穿石

山體純石其麓有穴東西洞然視之如穿

混沌無端鑿斤疑郢匠揮東巖承夕月西嶺漏朝暉雲觸當能補風鳴恐卽飛容卿堪數百誰稱此腰圍

下螺螄灘

江色青紅浮蜃氣雲根赤黑狀蛟蟠扁舟飛出驚濤外過盡

辰州第九灘

百曳九歧橫石北斗懼急清浪雷回螺螄凡九灘皆名灘之至險者均在辰州境至常郡則亂

百杜堂全集

卷十八

九

勢皆平矣

抵朗州得燿卿書

袁生昔寄五溪吟子亦瑤華惠好音我自浪遊非壯略功名未有伏波心

武陵阻雪未得見性農賦詩寄之

歸帆風雪暮沈沈漢壽城邊阻盍簪羈客遙窮南塞路故人高卧北山岑桃花仙洞約君隱蘭芷空江愁我心未折疏麻代芳訊題詩聊用託鴻音

贈蔡倫嘉

舊客容城市來栖沅水濱相逢尊酒夕似我故鄉人高論通

今古深心託隱淪幾時鞞鼓息歸臥五湖春

鼇山曉發

霽色散凌兢侵晨發武陵松明山寺雪蘿掛石泉水臘鼓催
何急村醪醉未勝征塵何日洗鄉思苦相仍

清化驛

起伏山無數縈紆九折長躋崖旋度壑下坂卽升岡蘿薜陰
蒙密松杉氣鬱蒼峰巒差足慰泥淖太相妨

霜

雪霽霜尤肅嚴寒比塞垣大威無不殄殘孽爾猶存側想江

千帥將移皖口屯

百柱堂全集卷十八

十

王師申討伐挾纘定能溫

津市

歸客去蠻陬重瞻澧水流眼明煙激秀風送市聲浮遠樹圍
平壤長堤翼沃疇巖巒從此少風壤接荊州

乘風渡洪湖瞬息抵家

西風湖上布帆開長嘯凌波氣壯哉爲語蛟龍休跋浪蠻江
新渡惡灘來

除夕不寐

十載別黃墟人間影自孤亦知途漸近故遣夢都無婚嫁增
塵累干戈送老儒泉臺曾覺否辛苦屬孱軀

還山後奉懷墨莊師

庚申

超然心與澹雲閒，世事雖蟲得失閒。鞅掌不言三載績，支頤

惟愛一州山。塵中腐鼠徒相嚇，天外冥鴻不可攀。回首琴尊

渺千里，春風日夢別時顏。

霰集

密霰不成雪，朔風聲滿天。但欺叢竹亞，故避早梅妍。綵勝斜
攙影，春盤巧簇筵。村農占宿麥，泥飲樂逢年。

耀卿許泛舟相訪詩以遲之
天送物華春，雲霞處處新。江山含麗藻，花柳待詞人。有客思
離索，相期訪隱淪。衡門先掃徑，倒屣望嘉賓。

百柱堂全集

卷十八

七

再寄耀卿

春風隔歲至，密若故人情。湛湛大江水，綠波漲將平。羣岫黛
如沐，嫣然媚且明。幾日見梯柳，弄色搖新晴。庭前眾芳草，一
一抽其萌。雜化感淑氣，次第將舒英。南園萃黃鳥，側耳方嚶
鳴。嚶鳴爾何意，無乃求友聲。矧伊同岑契，能不懷友生。夫君
約放權，云當訪柴荆。疑義待互析，雅調期同賡。停雲何嬾嬾，
日暮天末征。引領望三益，幾時開徑迎。

鸞鷲行寄孝鳳郎中

俗論詭譎任耳目，一生不識鸞與鷲。偶然苞羽下江湖，謂是
鶉鷄競飲啄。戴仁膺義炳奇文，世無天老誰能分。方當上擊

九千仞阿閣深巢五色雲

腥風

智亭不作羅山殞白骨東南委亂麻妖鳥年年啼不住腥風
吹斷秣陵花

吳又桓司馬泊舟見訪不值畱詩見寄賦此奉答

長沙門館盛賓遊別後烽烟動地愁直爲才華憐賈傅不須
淪落歎江州凋年尙滯依劉客斜日空停訪戴舟天末題詩
共相望但憑瑤草寄汀洲

答淵甫見題拙詩

張子有深識清襟邁等夷韜真多用嘿知我不關詩文武需

百柱堂全集

卷十八

十一

才曰江湖養拙時徵車非所望巢許是吾師

春興一首答燦卿見寄

萬山高處攀南斗千里歸來侍北堂日日山禽報花柳春光
偏爲里門長

天關行

天關日逞飛廉力搏戰爭雄競南北稊柳天桃不自存長松
簸蕩無時息木德條風始扇榮何爲大縱土囊聲誰斟北斗
調元氣醜賞嚴刑恐未平

從姪家蘭甚有士行以詩勵其志

鄉里小兒厭梁肉汝獨終朝對壘粥少年被服羅與紬汝獨

短褐常不完汝爲吾 祖之曾孫少孤諸弟多未婚無田可
耕那得稼汝叔又未乘高軒讀書奉母忍艱苦諸弟投室悉
資汝雖經寇難皆得全汝亦次第長兒女衝風震天揚波濤
往往變節多賢豪主租算縉盡廡仕誰復低首甘蓬蒿長松
礫砢雪霜裏風雨雞鳴獨不已汝乎鐵中信錚錚勁骨飢寒
鍊奇士花竹扶疏滿徑春吟詩風格清且瀟楮冠高歌出金
石誰道今世無其人

寄九曾農部

聞君銜恤閉門居賴有機雲慰友于穉筭定抽新闢徑殘編
時檢未焚書龍文虎脊誰方駕蚬穴牛涔一掃除倘過荆臺
百柱堂全集 卷十八 三

當艤權論文尊酒莫教疏

遣興二絕句

柴門江上峭寒扃桃未飛紅柳未青春到花朝仍未覺北風
吹雪水冥冥

長風難掃凍雲開絕少鶯聲向曉催不是疏梅香數點春風
猶似未曾來

耀卿枉訪山中喜贈以詩

扁舟乘興雪中來健筆生風走電雷鶯燕避寒遲淑序蛟龍
跋浪鬪驚才褰裳果訪山中徑翦燭徐傾座上杯好月亦隨
佳客至林花卽遣一時開

驚蟄大風雨書此示燿卿及隆兒

二月春江惡浪生破空風雨勢縱橫少年才力應如此筆走
滄溟世總驚

雨翻巖瀑聲如注風撼天門夜欲開寒逼蟄龍先自起飛騰
何必待春雷

風雨憶友石江上

一劍橫腰壯士身金臺北望迴嶙峋誰憐風雨滄江夜尚阻
中流擊楫人

題友石吟卷

颯爽英姿一卷詩全將赤手搏蛟螭將才倘遇馮唐薦正是

百柱堂全集

卷十八

十四

君王拊髀時

雨中作此爲燿卿遣悶

清寒料峭逼疏櫺寂寂鶯花信未通燕子不來春過半江山
只在濕雲中

三徑朝朝風雨加渚宮才子過山家東風不放千林夢似避

江郎五色花

仕隱圖爲范君月槎題

天壤有真我長如金石堅不關仕與隱外物皆蹄筌坎流譬

行止委心任自然愚者蔽所溺膠柱方鼓絃金紫與山澤未

識孰爲賢本無不朽業徒成草木年亡羊笑臧獲優劣何分

馬范侯信曠逸甘栖博士蘊浮沈且玩世簪組偶林泉作圖
示微旨豈必待言詮知君負奇尙久滯橫海鱣退則紹絕學
進將竹帛宣眞我自有人在方寸操其權超然仕隱外粉墨安
能傳

將赴郡阻雨未得發書示燿卿

日日春風費剪裁春分不見一花開薰桃染杏遲難就頗訝
天公乏妙才

東風不肯鬪繁華細雨愔愔溼浦沙欲待扁舟助吟賞先教
勒住渚宮花

江上雨眺

百柱堂全集

卷十八

五

幾日閉門坐偶然眺遠汀誰知沙際草相約雨中青江國寒
仍重林芳夢未醒何來片帆影餘力劃空冥

燿卿冒雨過聊園看花主人陳韻石畱飲作此奉簡

看花仍冒雨率爾造東隣郭甸來奇士聊園有逸民撻裳方
叩戶投轄遂畱賓明日傳佳話林宗墊角巾

二月十九日質明大雷電

曙聞雷雨起披衣赤電燒牕枕上飛已遣陰霾銷黨類卽看
草木變芳菲暄和令始符陽德翕闢人誰測帝威遠憶江淮
諸將帥須乘破竹用兵機

湯賦

九天雷電破春寒從此陽和草木歡
懋孽空山無處匿翔遊
朝野盡鵝鸞

積雨初霽

侵曉雷聲盪宿氛
雨收江氣散氤氳
四圍瀑盡喧蒼礎
一半山猶捲白雲
麥隴未堪藏雉子
柳汀各自浴鷗羣
新蕪含意滄洲畔
待助春晴錦繡文

春仲寒甚

春仲行冬令勾芒恐失時
日烏韜宿靄海燕誤芳期
黍谷變無術茅簷寒可知
陰邪防內侮洪範理宜推

憂來行

百柱堂全集

卷十八

六

一春欲雪不成雪
苦霧淒風連兩月
陰陽錯迕誰所爲
暄序無端驚凜冽
山中老儒目未見
此事或恐涉災變
不聞政令傷嚴苛
但慮蠻夷侵赤縣
憂來口吟心更勞
黍谷暖律何時遭
誰其擁篲呼臬陶
起掃浮雲閭闔高

苦雨散愁

今年芳信滯林端
寂寂山園意少歡
黃鳥隔離窺徑溼
白鷗將雨送春寒
坐銷清晝繡書倦
起挾浮雲拔劍看
自酌芳尊畱客住
風波湖上放船難

與耀卿約同赴郡將發復阻風雨口占二絕

誰遣寒風日夜吹
烟波頻阻挂帆遲
才人莫便匆匆過
或恐

山靈尙乞詩

江上君來實起予淹留差足慰離居
他年入直金華省尙隱
寒山風雨廬

雨泊

斜風吹急雨芳序變蕭晨乍見參差柳
方知浦澈春帘搖烟
外市簑擁渡旁人畱滯扁舟客徒嗟物役身

舟次對雨書示燿卿

日日愁風雨羈懷未可論地卑饒澤氣
波冷淡春痕尙作籠
中鴟猶慚海上鯤同舟賴仙侶慰藉有清尊

細雨一首

百柱堂全集卷十八

七

細雨誰縑出長天霧四圍冥冥連岸失
脉脉逐風飛引綠痕
初活催紅力尙微老漁渾未覺笠重竟忘歸

春分日風雨大作

維舟烟雨裏一水去迢迢雲起侵天溼
風來獵樹驕人將苦
昏墊天尙闕芳韶客路看春色青青只柳條

嘲西風三首

爲我語西風徒能滯短篷溼雲吹不起
猶在柳絲中
絲雨度回波風來與擲梭織成終異錦
巧絕竟如何
揚帆靦面來噴薄浪花開明日東風作
誰爲破浪才

代西風答三首

送君卧東山好作泉石主君自樂西征翻訝風相阻
利鈍亦何常相代不相假君看利涉人前此守風者
行行與君別津路自茲分倘值東歸日猶堪一送君

乘風渡白鷺湖示耀卿

不知帆勢捷只覺浪花翻岸樹爭前迆湖雲卻後奔神山堪
引到弱水足尋源知爾乘風志能符夙昔言

舟次爲風雨所滯撥悶有作

不聽風聲卽雨聲扁舟日日滯西征莫嫌鷗渚長畱客尙有
龍驤未進兵青帝噓春回煦育黃人捧日出滄瀛二儀旋轉
非難事翹首雲間望太清

百柱堂全集

卷十八

六

舟過林家溝重悼立甫

楚材惟立甫可與論孫吳未了英雄事先捐烈士軀星辰掩

河鼓風雨盡陰符近報

王師利精靈許慰無

鄰舟有二健兒歸自皖營與談近事

聞道金陵勢已孤天兵指日度蕪湖臂懸斗大黃金印看取

今年縛賊奴

夜聞風雨不寐作二首

蹴地鼉鳴壯憑林虎嘯雄孤舟汀草畔一夜浪花中瓠落才
名賤萍漂去住同擁衾寒不寐斷續雨隨風

何處物華新光陰又袂長煙花如避客風浪轉愁人相對雕

龍彥

謂耀

同成屈蠖身雲開帆便挂猶及渚宮春

曩渡三湖歇遇東風今行殊滯賦詩爲湖神解嘲

往歲檣烏拂羽翰今年不轉相風竿馬當休便誇神送未有

文章敵子安

遲暮飄零道路邊流行坎止付蒼天燒船破敵非吾事只合

東風借少年

東風頻歲送西征未免湖雲別太輕今日蘭橈波上駐石尤

方見故人情

三湖遇西風率爾自嘲

百柱堂全集

卷十八

九

久聞歸隱大江東何事勞薪道路中正恐蘧鱸忘舊約故教

張翰悟西風

風雨舟中與燿卿聯吟甚樂詩以紀之

仙侶同舟濟淹留未覺遲披衣同起舞發篋互藏詩白雪郢

中曲天風海上師不孤剡溪與歸權載英詞

耀卿歸舟久滯距鄉閭僅兩舍復阻風雨輒賦此詩代爲遣

悶

白螺洲畔泛舟回遊子行吟氣壯哉直遣波濤三峽倒故驚

風雨九天來鄉關水驛猶相滯歸信家人已屢猜晚霽揚帆

明便達高堂先慰笑顏開

將抵沙津口占示耀卿

君自歸家我別家落帆煙雨傍章華西風將我還鄉夢吹到
江干楊柳花
苦寒行

元封大雪寒莫比三輔人民多凍死今春不雪氣尤寒惜過
瘡膚與墮指冥冥晦霧逾七旬雨雪雜遝宵復晨破空震電
亦時作尙苦陽氣扶難伸山中人來過我語老民什九踣牆
廡長松百尺僵忽摧馬牛蜩縮誰能數我坐虛堂寒不勝齒
如齧雪胸懷冰重衾擁裘尙難禦何況短布當凌兢春陽布
德在暄煥愆序翻然變嚴肅干時特縱元冥驕失職勾芒反

百柱堂全集

卷十八

干

潛伏君不見凶渠入稔巢建康粵滇黔蜀多跳梁得無真宰
忿豺虎不惜非時行殺傷亂領妖腰卽屠磔天乎幸勿傷吾
麥
客中寒食
雪後逢寒食青陽甫散和人間春色少海內戰塵多羈旅惟
愁共艱虞奈老何縱教花爛漫亦覺興銷磨
憶舍弟子章

汝渡錢塘木葉稀看雲頻見雁行飛雪消荆樹春將老烽偪
茗谿客未歸方鎮威助誰禦侮艱危出處在知幾門閭日聽
刁環唱大好家山且息機

清明勉齋燿卿過飲

冰雪餘寒特送晴
蕭齋寂寂度清明
纔瞻淑氣回暄序
不負芳辰賴友生
四海風塵連羽檄
百花消息滯春城
開尊且共酬佳節
一醉都教萬感輕

展其隨使車過荆臺甫相見卽告別

題襟三載隔惜別一尊同身世
悲歌裏乾坤戰伐中著書吾已倦
採藻汝能雄明發征軺速飛花送轉蓬

題展其蜀船草

遊屐凌千棧詩才運五丁
塞收蠻霧黑天送峽雲青舞鶴依卿月
啼猿識客星山川待抽祕奇句未曾經

百柱堂全集

卷十八

三

展其以青蘭峽石見贈分咏報謝

故人自蠻徼惠我青蘭花
不道眾香國能邀萼綠華
騷情攀宿莽芳訊代疎麻
永結苔岑契誰言心跡遐

飛墮碧芙蓉巫山第幾峰
朝雲吹不散疊嶂望猶重
詞客能相贈遊艘惜未從
峽猿定何處起聽欲支筇

遲燿卿未至

近得仙根絕世芬
苔岑終日但思君
青蘭寂寂開仍謝
獨倚

闌干望碧雲

樓上延眺

草樹兼波影緜延
綠上城雨餘新態足
風過雜香生燕外亭

臺迴鷗邊浦
澈明高樓舒
麗矚秀句轉
難成
漫興

地僻堪容嬾
春歸始放晴
幽禽相與語
芳草自然生
靜裏天機放
閒中客思清
閉關恒隱几
絕少履綦聲

百柱堂全集

卷十八

五



此詩中客思清閉關恒隱几絕少履綦聲

此詩中客思清閉關恒隱几絕少履綦聲

此詩中客思清閉關恒隱几絕少履綦聲

百柱堂全集卷十九

庚申 辛酉

詠史高僧夜計豈非神 監利王柏心子壽著

衣錦開營錢尙父曾揮一劍制諸州誰知鐵牡無端失燒盡

雄軍鎮海樓

張軍門歌

哀張殿臣軍門也

登壇者誰先潰奔戰死獨有張軍門奮迹起羣盜能以

赤心酬

主恩桂林侍御精鑿裁

軍門初爲刼盜後詣大營降則桂林朱伯韓侍御實主之

川西老

將能用才

謂向

軍門朝爲偏裨暮作帥年少拔起當河魁張家黑

百柱堂全集

卷十九

幟威名壯驍賊見之魂魄喪單騎親突萬軍中火箭橫飛接

馬上

能於馬上接火箭

力復江淮數十城全吳不覩烽燧驚下令恤

民專殺賊壺漿夾道皆歡聲去年建策修長圍壕塹三重斷

走飛檻中窮獸日夜泣翹足可展犁巢威蒼鷹奮擊不受絀

駿馬脫銜疾電掣闔外進退孰專決坐恨庸才制雄傑奔星

去秋犯牛斗

去秋九月二十二夜有奔星如月犯牛斗牛斗之次主吳越

春雪寒飛三尺

厚壤雲如山宵壓營軍門裹創劍在手格鬪未已俄喪軀雄

師十萬骨亦枯豈惟精銳飽豺吻天柱長城今則無吁嗟乎

國家羅致文武士奇才翻自綠林起天生忠孝好男兒不遣

功成先戰死白門悲風夜不止怒激江濤欺海水

卽事和譚力臣明經

江水滔滔日向東杖藜歎世兩衰翁側身湖海飄零際放眼
乾坤涕淚中壯士戈鋌猶自鬪書生鉛槧竟何功雞聲對舞
思現嗟年少方能意氣雄門類未備日占天上使益對
連營歲歲扞封豨疾擊誰爲鷺鳥飛師老未收淮蔡績謀乖
翻恨鄴城圍東南全局成灰燼今古庸才闇事機獨遣孝侯
甘戰死謂殿臣軍門覆軍此責竟誰歸計買豐無市策中星
飲馬錢塘與具區羣凶得計敢長驅不聞越甲興句卒又見
吳門失湛盧潮起鯨鯢騎澗水臺傾麋鹿上姑蘇眼中逆景
縱橫甚問有梁家曾辨無

百柱堂全集

卷十九

二

儒臣受詔領殘疆寇熾師單之宿糧總轡更馳危坂峻持膠
難制濁河狂登壇國士猶嗟晚保塞江關未易防楚蜀上游
根本重可無犄角固金湯

河運江船久不行仍聞租賦隔滄瀛持籌買豎無奇策仰屋
司農有歎聲北斗酒漿難用挹西園價直亦何輕

累朝恭儉先天下誰道凋虛困甲兵水新茶蘇精
島夷窺隙屢乘潮北望津門祲未銷狼宿已占天上動蜃樓
還向日邊驕入援方鎮途多梗並海旌旗影盡搖表餌年來
無定議豈聞戰守決

中朝

詞人傷亂託詩篇變雅離騷自昔然尚憶漢家全盛日深期
殷武中興年寔區寇盜仍難息吾屬艱屯詎足憐白首奉親
猶至樂幾時薄海靖烽煙

螺阜高處俯視橫潦

拳石削巉岼能回萬里瀾長蛟吞不得捧出浪花端
浩若泛滄溟銀臺望未局中流飛渡穩鼇背一痕青
何心尋源使浮槎始上天世人但相訝太乙下乘蓮
駭矣湯湯勢檣巢澤國農誰能招雁戶拔宅最高峰
里居被潦湘秋枉詩垂訊書此奉會

秋氣動煙蘿浩然歸興多烽塵遠豺虎井里傍龍鼉執訊憂

百杜堂全集

卷十九

三

潢潦題詩問礪阿敞廬枕山麓涪洞幸無佗

軍國徵求亟車船權算勞大都談抵掌不過析秋毫子亦持
籌往時方峻網操願言寓寬卹豈在盡錐刀

漲落戲題

先生釣宅枕江頭漲起連天勢欲浮一夜蛟鼉潛徙窟門前
還我白螺洲

愁霖

秋漲復如此秋霖無盡時正嗟安宅少翻訝漏天移鼃鼃皆
升砌鷗鳧只傍籬滂沱仍不止未是洗兵期

簷溜承朝夕喧如萬壑鳴低雲迷鳥路高柳斷蟬聲調發仍

難緩煙塵總未清樓船遲擊楫多恐溼前旌

寄黎伯容參軍

減盡元龍意氣豪低頭從事着青袍不妨起舞爲鸚鵡未省
何官是馬曹遠道懷人愁鼓角故山招隱悵蓬蒿天教七澤
容羈宦或遣奇才續楚騷

家月樵茂才持放鶴圖屬題

仙人樓逐煙塵飛仙人之鶴今不歸空堂赤壁亦焦土血濺
元裳污縞衣孤山亭外烽無數揚州但有蕪城賦瑤草金光
半已凋君將放鶴向何處君不見白骨東南最可哀髑髏委
地成高臺鴟鴞怒號縱貪吻鳳凰驚驚安在哉汝鶴本具神
仙骨長鳴志在瑤臺月不能授甲赴沙場何事乘軒溷塵垢
江湖腥腐不堪飽便當放之向蓬島又恐龍伯連六鼇揚波
怒蹴三山倒君愛胎禽殊羽族我方借得仙人鹿豈如結伴
超九垓皓月丹霞共翔逐昔聞子晉吹鳳笙曾接浮邱朝玉
京請君駕鶴我騎鹿下視浮雲攀太清

又題月樵觀釣圖

涓涓盈尺蹄涔水大魚揚鬣不在此投竿但見纖鱗起終日
觀之獨何以是間豈有任公子君今欲往觀垂綸何不東遊
滄海濱設餌須投五十犢盈車之絲纒作緡歛忽吞舟象山
岳中鉤奮起何磷响雷霆燿赫震千里掣出洪波如有神君

言觀釣每獨造豈別江湖與行潦超然意若忘魚筌垂釣何
如觀釣好况聞善釣不輕舉得不先迎失不拒治國治民皆
可通臨淵更憶詹何語磻溪老人臨渭流但用丹書持作鉤
意中豈復在鱸鮪直與蒼姬釣九州丈夫不遇便放浪烟水
一竿皆可往天家物色無用求笑謝雲臺將與相

答贈白海仙

昌壽

詩筆蒼頭起異軍君家重見武安君不辭短櫂浮江水肯向
空山問野雲卷裏悲歌驚變徵眉閒精悍薄秋雲如何矯矯
干城選但遣毛錐日策勛

一旅湖干奮義師當年破竹更窮追征袍飛血波迎艦舞劍
百柱堂全集

卷十九

五

豪吟月照旗罷戰獨能逃爵賞算縉猶自佐軍資全吳今又
淪豺吻盍起重煩白羽麾

海仙以所輯洞庭詩話見示率題其後
帝子幽絃萬古靈騷人來往擷芳馨盡教收入軒皇樂九奏
鈞天發洞庭

廿五篇騷讀易終全吞雲夢未爲雄如何一卷煙波闊日夜
乾坤納此中

秋漲

陽侯鼓浪再浮空復歎懷襄在眼中頗似夫差執金鼓黃池
暮氣尙爭雄

秋來江氣帶龍腥吸引岷源與洞庭漫挾百川先自壯順流
終要見滄溟

登山望江漲

今年夏仲江水沒夷陵城可二十餘丈蓋從古未有之事頃已秋仲矣而下游橫潦仍未消涸

西來江出下牢關貫絡東南天地閒自古靈長功潤下無端
悍疾怒漂山沃洲猶恐淪將沒息壤眞疑盜未還秋老蛟龍
仍跋浪橫流誰起濟時艱

咄嗟復咄嗟行

咸豐庚申二月金陵窮賊潰圍而出張殿臣軍門躍馬逐
之戰方酣有發火鎗擬其後者軍門立殞則大臣某奴子
受賊金爲此謀也軍門麾下卒盡見之痛哭且大譁大臣

百柱堂全集

卷十九

六

某惶遽自裁或云大臣縱奴不問疑預聞焉王子悲之賦
是篇也

咄嗟復咄嗟重臣一旦爲長蛇長蛇不在赤眉輩乃在登壇
高建牙賊中最憚只張帥誰料重臣更深忌百戰奇功轉見
訶伏謁轅門恆屏氣重臣養得霍家奴逆賊暗遺金與珠教
之乘閒斃張帥射影爲蛾蟻潛伏狙約成賊果犯壕進張帥躍
馬當豺獮變生肘掖火槍作裂背洞胸頭骨枯金陵窮寇遂
得志一舉栖越兼沼吳嗚呼長城忍自壞爲賊剗刃出意外
張帥誓死期報

君死賊死奴何足分君不見來歎死岑彭亡雖中刺客劍何

異殞沙場毒矢伏機代賊發重臣汝獨何肺腸汝養奸奴受
賊使賊亦視汝若奴比奇冤不散成愁雲誰叩閭闔爲陳此
奸奴甘醢不足數重臣死猶汚厚土潛夫驚咤摧肝腸蠱蠱
居然仆天柱百身莫贖淚如雨何況三吳眾士女
九曾赴鄂過談夏間夷陵潦勢

江沒夷陵城上樓蛟龍鼓浪助陽侯全傾巴峽無餘水欲倒
荆門與併流託命危同孤嶼泊淩波幸有一壺浮歸來仍被
飢驅走又犯洪濤詣鄂州

曉望

水氣浮空暮復朝濛濛六幕似垂綃臥波樹杪微明滅插浪
百柱堂全集

卷十九

七

山根倏動搖魴鱣總看登市賤龍鼉誰遣入秋驕南來日見
戈船下何必吳兒解弄潮

寄耀卿二首

憶乘夏水發歸船一別金風遂動天頻枉音書詢岫壑坐思
英傑間山川渚宮新雁聲初過江浦明蟾影再圓吟管清尊
雙寂寞離愁長在楚臺邊

秋山一老臥蓬門蠹蝨驚聞過客言

謂張殿臣軍門近事

天下奇冤甯

有此江東軍事不須論更從何處求飛將尙惜無人訴
帝闈悲憤新吟寄吾子和歌還望慰忠魂

畚姚俊廷少府

姚成都人時權臨湖尉渡江見訪方有蜀警云將請緩還鄉里

聞道成都錦水傍武侯祠近浣花堂
楹林礙日依然否古柏參天幾許長
無路得持金馬節因君還問碧雞坊
造門更枉投佳什媿乏瓊瑤作報章

仙尉風流復見君一官聊狎鷺鷗羣
擬回太史浮湘櫂歸草相如諭蜀文
握手林泉同嘯傲驚心江海尚塵氛
扁舟乘興俄然返相送柴門日又曛

側聽

夷陵江漲沒城郭九十九洲淪白沙
武健非時行擊斷潛夫側聽起驚嗟
似聞封豕猶難制倘念螭鴻未有家
朱博雖矜能折服何如臥閣息紛拏

百柱堂全集

卷十九

八

蓮花橋禊飲圖爲李君題

二首

美人隔秋水望望天之涯秋水不可極
迺邇芙蓉花花開亦何麗照水如丹霞
長虹飲天半仙者回雲車下與湘中客
結佩攀瑤華我欲往從之道路幽且遐
塵纓久未濯矯首徒咨嗟空咏水中沚
涼露生蒹葭

當年散金大殺賊精悍眉間壯士色
今來醉臥芙蓉秋巾服蕭然成野客
丈夫落落栖風塵道與龍螭同屈伸
野鼻汀鷺自爾汝見慣誰識英雄人

三古

三古風斯下諸方俗不齊道師童牧
馬政鑿孺驅雞飾智終

多擾澆淳未可隄由來清淨術含德徧烝黎無盡劫
八月十三夜玩月江皋

秋江何浩浩秋月亦將盈江流夜不湧江月皎且清此江與
此月今夕相合并二儀助勝會飄氣泄其英實中有風景多
取人誰爭造物亦不禁夫孰謂我羸我覺心神朗豈但骨體
輕放懷縱所納無往非虛明了了悟性體本來常湛瑩惟在
滌元覽無滋纖翳生

中秋夕乘興至江上看月是夕秋暑尤甚
青天萬里一明月下照滄江浩浩流江漲驟成溟渤勢月華
長送古今秋望來遙岫如將渡興發狂歌未肯休俯仰乾坤
百柱堂全集

卷十九

九

惟灑氣人間何處不瓊樓
何曾爽氣薦金飆客暑當秋氣轉驕莫倚笙歌留皓魄卽防
雷雨動中宵世間倚伏難窺測天上盈虧迭長消靜裏澄觀
思柱下先幾無過識能超

洪波行
誰言天道多神奇羸縮常被庸人窺昨日洪波浸千里旋看
潦退成空陂寒暑雨暘皆有極循環晦朔無差忒如何星牽
斗牛躔十載干戈今不息
晨權

夕帆黃歇口晨權子胥祠野鷺獨飛處秋波無盡時搖搖身

似梗惘惘鬢成絲回首瞻叢桂慚吟招隱詞

冒雨渡湖

煙激濛濛雨湖濤瑟瑟波涼侵羈夢斷秋入水雲多碧柳將
零候紅蕖奈晚何蕭晨感遲暮少壯悔蹉跎

雨泊

黯黯天如墨瀟瀟晝不分葦纜千頃雪荷卷一湖雲羈旅年
年滯淪胥處處聞渚宮猶未達倚櫂悵離羣

飄搖

長天圍廣澤天地一浮漚水氣多成雨湖光併作秋飄搖同
候雁澹泊媿閒鷗乞食栖栖者非懷孔墨憂

百柱堂全集

卷十九

十

征帆

日日征帆傍水村篷窗羈縶不堪論涼兼風雨秋將老漲雜
沱潛色總渾高蹈猶慚黃鵠舉前盟敢負白鷗言幾時真遂
還山計蘿挂扶疏只閉門

舟經立甫故宅愴然有作

秋風號破屋猶似泣精靈一蹶傷英物連年失將星人才誰
復繼吳越遂難肩嗟汝長驅志空埋劍血青

曉發

雞唱曉雲閒征橈各未閒孤舟秋夜夢一枕故鄉山隕葉飄
無定奔流去不還澄清空有志坐惜鬢毛斑

煙雨

欽岸參差往復還
秋林相送碧鸞環
一川煙雨空濛外
何處擘音出葦間

三湖守風

柳陰重繫木蘭舟
兩度西征阻石尤
正是滿湖煙水闊
涼雲留看雨中秋

秋光

遠樹圍村成疊嶂
遙帆衝霧矗浮圖
秋光好在空濛裏
不看清湖看雨湖

入裏湖波色始清

百柱堂全集

卷十九

十一

潦溢川多濁
渟洄此獨清
深涵秋澹碧
定攝景通明
妙翦并刀快
新裁魯縞瑩
緇塵雖不染
亦欲濯吾纓

暮泊

蓼花低處繫輕舟
旅客心驚素節遒
日暮西風吹急雨
垂楊臨水不勝秋

曉霽

雨過溼雲收
輕帆獨泝流
蟲聲棲迸曉
鷗夢澹忘秋
梁苑看遙接
荆臺許續遊
相期諸俊侶
翦燭豁離愁

愁霖

秋雲恆不散
日夜宿湖中
翕勢卽成雨
騰霄不藉風
疲農猶

歎室橫潦尙浮空下土愁霖唱何由徹上穹

湖中卽日

金剛寒霖聚爲下泮蕙派波戲

蕭晨欲霽散林煙涼逼菰蘆一色天縱使秋光容易老澹雲
疏雨也堪憐

湖行遇雨

不羨芙蓉滿時昔華我腦深鼓朝谷未水白
金剛寒霖聚爲下泮蕙派波戲

朝來霽色被湖煙驟雨俄教滯客船葭雪九秋涼逼岸封雲
百里碧圍天驚風掠水魚爭躍細浪縈汀鷺獨拳一片秋心
無著處蒼茫梁苑楚臺邊

季秋來講舍庭桂盛開緯樹成詠因與箴三星堂淵甫耀卿

申重九之約

百柱堂全集

卷十九

七

自我返故山皓月當中秋叢桂未作蕊枝葉空相樛季秋至
講舍有桂百尺脩含苞獨蓓蕾蓄意何綢繆重陽適已近金
飊日颼颼佳植若朋舊愆期爲我留根深得氣厚勃發難劍
孛金光湧晴昊精彩驚欲流俊侶喜過從舉酒方相酬漢南
昔攀桂連蜷被巖幽自從惡氛作掃地皆虔劉茲桂秀吾郡
幸逃斤斧憂羈人志招隱遲暮猶可求黃雪散干斛天香空
際浮側顧東籬下菊英亦漸抽菁華併灑氣競時各未休白
藏騁妍麗餘力何其優月華復冉冉來照中庭遊寄言二三
子且與傾金甌寒霜凜欲下無歎飛光遒

晚坐桂樹下復得三絕句

縹渺眾仙來玉宇香光丈佛湧金身仙根忘卻秋將老不畏
清霜夜嚮晨

誰吹黃霰糝林端天近重陽候漸寒雁戶倘堪金粟飽便分
金粟勝金丹

秋香未及月當中爽氣猶迎落帽風招隱小山遲亦好歸來
三徑待陶公

登樓

蕭晨望遠獨登樓直北烽煙繞

帝州天轉

龍旂關路迴霜高熊館塞垣秋從官交待千牛衛供帳誰迎

百柱堂全集

卷十九

十三

八駿遊邊地黃花開近

輦名王拜奉萬年歐

朱雲門觀察爲畫螺洲釣宅圖寵以題句賦詩報謝

使君才氣濟川舟餘事能兼顧虎頭逸興爲摹青筍笠高吟

還動白蘋洲便從荒徑招猿鶴遂有歡聲到鷺鷥自喜做廬

波不撼將憑綵筆壓江流

古愁

難謁靈修叩化機古愁終日淚沾衣但看陽谷騰朝旭誰向

咸池挽夕暉周室王城徵再築漢家火德值中微瓶寒葉落

皆恒理先事由來悟者稀

真人黃鉞下燕關於鏢

神功宇宙間玉檢告天標日月金甌括地鞏河山千年文軌
通諸夏重譯梯航走百蠻時驛向長朝異哉王南華心刊
列聖聲靈猶赫濯甄虞陶夏迥難攀

天威無外讐滄瀛誰料波臣敢弄兵跋浪盡驅蛟蜃族傳烽
直薄我靈不昧

鳳凰城八關都尉環畿甸七萃戎車列

禁營聞道柏梁臺盡燬

離宮炬火徹宵明

六飛踰塞重

百柱堂全集

卷十九

十四

時巡扈蹕方明衛百神霜信

帷宮嚴桂栢星文

帳殿應鉤陳旌旗灞上分屯日車馬岐陽大獵辰盛典

先朝仍

續武烽煙不犯

屬車塵

家世陰山貴且強出身爲夏 盤

國掃欃槍親提代北沙陀部羣倚汾陽異姓王直奉心肝扶

社稷不教鱗介易冠裳捷書早晚迎

鑾速送喜騰聲徧萬方

休驚寰宇半兵戎多難興那自昔同引過建中哀痛詔納言
貞觀諫爭風舉夔夾陛調元化方召登壇奏武功翹首

憂勤銷阮會

配天寶歷耀無窮

百柱堂全集卷十九終

百柱堂全集卷十九

五

百柱堂全集卷二十 辛酉

監利王柏心子壽著

雨中移竹

臨窗地稍隙，冒雨鋤蒼苔。移得數竿竹，殷勤深自培。客來道物理，榮落何常哉。瓊花及玉樹，今方萎且摧。朝看野草蔓，直上姑蘇臺。暮見洛陽陌，銅駝荆棘埋。人生等傳舍，萬類皆浮埃。一笑起謝客，此君堪共陪。達觀豈不悟，且欲娛襟懷。寒篁望擢翠，將掃凍雲開。歲晏雪霜下，鳳凰來不來。

植芙蓉

羲輪逝不止，元冥俄司冬。蕭齋種竹罷，遶檻方支筇。畦間有

百柱堂全集

卷二十

一

餘地掩映植芙蓉，騷人想奇服。木末如相逢，青女氣何肅。霜華亦已濃，誰知妍麗質。乃有端勁容，臨鏡作春態。爛然錦繡重，天寒正藉汝。吐豔慰龍鍾，何況拒霜性。凜凜猶貞松。

曉赴沙津

郭外上朝暾，栖鳥散遠村。微霜輕約樹，寒潦亂侵原。浦外蘆折畦，間苕藻翻涉。冬猶汜濫天，意固難論。臨香裡草，葛面劉琪峯。茂才過訪，在詩見貽。答贈四首。與博采自亂容來。戲同浮一江水，相失百蠻天。豈謂依劉地，真乘訪戴船。風塵雖落落，文藻故翩翩。搖筆吾衰甚，尊前避少年。

歸昌鳴中律世未識長離英俊飄搖日乾坤板蕩時數椽殘

燧火入口寄江湄落拓歸來晚仍嗟索米飢

荆臺非昔日勝概總沈淪蘭沒羅含宅茅荒宋玉鄰英雄留
割據詞賦委風塵懷古君才健高歌淚滿中

塞雪霽

黃屋邊風拂

翠華誰清

雙鳳闕卽返

六龍車事異唐天寶時非晉永嘉區區移恤緯相對泣天涯
園丁以竹至續種之

入林增六逸壯我歲寒盟根許陪龍卧柯還答鳳鳴搖金篴

百柱堂全集

卷二十

二

月影憂玉助風聲直待春雷後淩雲節便成

日出入行

白之出入有常家西經濛汜東若華天街躔舍表黃道何爲
頓轡淹龍沙陰山積雪高崔嵬屹于凍雀號且哀不聞黃竹
唱誰進瑤池杯是間但有黑龍銜燭照幽朔嗟爾三足之鳥
胡爲乎來哉羲和夾左右失職乃其咎中州不仰至陽精錯
落更誰辨箕斗自從日馭行寒門九土窮奇無不有綦綦蝮

蛇日啖人白骨纍纍若邱阜吾將叩閭闔祈上元魯陽揮戈
黃人捧大丙王良相後先矯首赤龍起奮輓火輪扶上當中

天

天醉
海水羣飛大地波黃金臺勢沒嵯峨百年果有伊川痛五子
猶聞洛汭歌闕下戈鋌喧鐵馬宮前荆棘泣銅駝生靈芻狗
嗟今甚天帝銜觴醉若何

威制蠻夷控八埏
聲靈王會肅千年豈聞潛鱷能升岸未信神龍可脫淵
雲罨星旂秋出塞參旗并鉞夜臨邊不逢金母瑤池宴雨雪
誰賡黃竹篇

鳳城遙望聳雲間宿衛期門日夜環竟有蚍蜉搖大樹曾無
虎豹捍天關諸侯當爲尊周起

百柱堂全集

卷二十

三

大駕誰迎幸蜀還溫嶠不生陶侃沒野夫江上淚空潸

傳道長安事日紛腥風九陌徧妖氛鯨牙裂網翻三島蜃氣
噓樓徧五雲柳市夸琛方列肆棘門兒戲未成軍神州赤縣
張番樂鼻衍魚龍總不分

嫚書恫喝逞窮奇喋喋珠盤載誓詞鱗介將淆秦郡縣侏儻
敢雜漢官儀九州漑髓猶難饜百計吹毛悉是疵賈豎白徒
能跋扈雷霆何不奮

王師

力扶鼇極脊

恩深眾口囁囁遂鏤金昌國立功翻見忌汾陽罷將獨何心

威名堪寄北門筦棄置徒悲東武吟
戚里孤忠天一柱蒼蠅
休得巧相侵

寒雪三春百卉傷
漂山夏潦駭非常
愁心氣霧迷天闕
淚眼

虹霓蔽日光

九廟神靈原陟降

六師威武足張皇

宵衣撥亂猶非晚

旋軫 鑾輿撫萬方

庚申至日感往愴今成七律二首

先帝昔年長至節
官儀曾忝綴駕行
燎通燿火

百柱堂全集

卷二十

四

瑤壇肅仗繞祥煙

玉殿香龍虎節頒
馳絕域鰈鷁郵進貢

明堂

天家威德猶堪述
記憶分明畫省郎

今年至日感蕭條北望

龍旂塞上遙
三輔未看蒼萐斂
千官猶夢

紫宸朝謳吟
率土難忘漢雲日
中天總戴

堯官守誰趨

行在所傾葵無路進
祗招

對雪憶燿卿

蕭齋昨夜朔風驚玉戲天公頃刻成一鶴啄苔寒獨立羣鳥
擁樹晝無聲人間葭瑄回陽律江上梅花繫遠情逸藻俊才
吾最憶芳尊猶悵隔高城
高里登文海鏡指其識題五市壽
答張小雲茂才
輕櫂還鄉里霜寒橘柚繁江聲通蜀道山勢接荆門汲古才
逾健甘貧道益尊干戈雖未息終不阻鵬騫

蕭齋風雨夕念子最英奇大雅非寥落周年易別離書勞
執訊望遠更裁詩正遇傳牋雁知予返櫂期
得唐鄂生司馬蜀中書却寄

故人有子爲虞虞調盤錯朝歌利器同按劍晨摧堅陣破銜枚
百柱堂全集

卷二十

五

宵赫逆巢空徒薪憂禍先陳策大樹逃名不上功知汝威名
將鎮蜀韋臯持節錦城中

書來感激意何哀太息波流未可回階亂幾曾澄吏道卮危
終不辨人材桓桓誰鑿凶門出擾擾翻增利孔開世事大都
如蜀比杞憂無語罷銜杯
宋息孫不埒飄齋

吞聲行

隸且露寒餘師榮吾尊區區誰山雲對陳門次古大

孟氏戒言利吁嗟言之長家國奪不屢爭端多殺傷豈知百
世下華夷泊其防窮島十萬里豎亥所難詳算船啟互市毒
禍機牙張鼉柝尾閭盜沸天撼扶桑懼靈驂恐溺改轍淹北
荒鯨使抗盟會鮫人雜冠裳郡國徧海市乾坤爲權場罄盡

九州血不充鯨鰐腸蟹母五都集蜃樓千尺強祇神鼓雄誕
二氏莫能當駟儉擅擊斷裂盡百王綱哀哉禮義俗化爲鱗
介鄉夷吾不復作姬旦亦已亡吞聲勿復道天道猶茫茫
舟次寄春澤箴三淵甫耀卿

蕭蕭寒岸樹澹澹曉湖雲只覺津途迴渾忘浦激分眠鷗殊
自穩離雁不堪聞回首渚宮集英流憶數君血刃對關天只
風利渡長湖風豈銷贊軍聲風又戰水行不歸可謂寒險
年來無事快人意歲暮歸帆獨遇風不睹龍驤舟楫會漫隨
鷗戲水天中凍雲凝雪陰難散寒潦吞湖氣尙雄遙憶梅花
春信早家山隱隱大江東

百柱堂全集

卷二十

六

冬仲歸舟見積潦歎之

嚴冬十一月歸舟凌渺漫訝此數百里湖澤今何寬夏秋潦
絕壯冬盡猶驚湍宿麥不得種耕氓垂淚看一飽乏藜藿遑
念鶉衣單租賦豈能貸軍糈况又殫水行不就下驕蹇仍盤
桓陽德或少弱陰邪乘此干蚩尤敢怙亂流血成波瀾天吳
挾海怪鬻鬣如戟攢助善只費有錢銀軍亦前業全期國
禁軍失捍禦別館多燒殘

龍輅幸關外飄搖邊塞寒民生久憔悴天豈棄窮苦
國步方艱難嗚呼水潦盛厥象爲兵端銷弭豈無術英豪猶
屈蟠滔滔未歸壑鼇極何時安

題汪禮門表弟詩卷

干戈滿地鼓輦哀薦辟紛然幕府開盡道屠沽皆奮躍誰知
奇傑尚塵埃悲歌漸遣英雄老濁酒難消磊落才漫興起吟
三十首頓驚風雪捲空來

卷中有漫興三十首

蒙氣

水國陰常積寒霄霧總凝誰清天闕翳立捧日輪升蒙氣嗟
方甚陽精恐未勝已慚無曝獻邊候況凌兢

太息

登壇貔虎握軍符太息動王一旅無赴難猶慚陶太尉尊周
空幕管夷吾寰中賊虜遺君父帳下芻糧竭轉輸節鎮平生

百柱堂全集

卷二十

七

心許

國固應傳檄會匡扶

鎖鑰

擘拂天彭井絡中白丁持挺化爲戎不聞方略求張詠或恐
流人奉李雄蜀錦巴賈爭索賂庸奴賈豎起論功劍門巫峽
連秦楚鎖鑰猶思嚴鄭公

歸舟風利不三日已抵里

卷中三十首

長隴西北送歸程獵獵蒲帆夜有聲可惜平吳好風力將軍
不下建康城

季冬寒甚

禽衛羽避三軍嗟瘵膚疲氓半僵斃頻年冬候愆眾情狂溫
惠酷烈驟然更慘怛可憂悻明明上天心仁愛豈遽戾元冥
雖司時焉敢怕權勢鼂怵滄海波震蕩及幽薊勃然召雲將
赫怒實天意滕六盛濟師前驅掃氛翳助張殺伐威大戮鯨
鯢輩不爾春將回苦寒盍爲至翹首祝太清六合卽開霽紫
陌迎陽輝黃圖煦淑氣

鸞旗翼百神行返蒼龍轡

瞑坐對雪

回風吹急雪雜遝舞檐端莽莽川原合沈沈天地寒潛機春
信近流影歲華闌山館疎梅坼猶遲蠟屐看

百柱堂全集

卷二十

九

冒雪行視里中江流決處

北風亂捲沙孺雪漠漠江天烏飛絕兩涯東西岸若山中有
沈沈一川裂居人道昨重陽前江勢西來吞百川天公欲賜
翟龍淵奪我千頃桑麻田洲腹橫截隄中摧江湖合勢聲喧
豳如虬古柏委根幹故時廬井安在哉漢鑿褒斜鏤底柱功
不能成役徒苦豈知人力終遜天頓化平疇作水府君不見
歷陽一夕沈爲湖汝南鴻隙陂忽枯千年岸谷未足恃萬事
翻覆何時無老農汝勿吞聲哭官吏乘春興版築潦涸蛟龍
當徙族南風還汝稻苗綠

立春

涼秀雨雪歷三旬天上珠杓乍指寅此日邊庭猶駐
輦條風先發塞垣春

湘秋惠龍窖茶

臨湘邑東有龍窖山產茶名雲霧茶

封題佳苑貽龍窖鄭重傳書度鴨闌摘葉携從雲霧窟燃松
烹對雪霜寒夢餘酒渴消除盡天外詩心湧出看一盞便成
功德水報君猶媿乏琅玕

木冰行

滄江倒捲朔風勁猛雨澆寒寒轉盛封條一夜盡成冰萬樹
瑶林皎相映古云木介達官災天意蒼茫豈易猜崇班尸素
生何補只莫凋殘柱石才

百柱堂全集

卷二十

十

寒霖

層冰飛雪壯峨峨冬潦縱橫捲白波更苦寒霖喧晝夜眞愁
平地溢江河哀鳴傍渚饑鴻滿落羽連山凍雀多皖上凶渠
猶索戰十年曾未靖干戈

東隣陳君韻石得松根如芝負以見貽

誰劖深山百尺松松根入地曲蟠龍肪凝石氣連蜷古精化
芝雲掩覆重逸客好奇能負贈衰年相對與從容金光照室
如靈草何必蓬萊海上逢

新正三日復雪

辛酉

昨冬方苦雪飛雪復乘春似妒疎梅豔翻爭彩勝新寒猶侵

邃室凍未解通津只訝開懸圃瓊瑤委路塵
赤驥仍拳跼金烏只閉藏不知司橐籥何憚奮陽剛淑氣遲
平壤層陰壓大荒始和乖布令吾欲咎勾芒

寄黎伯容參軍

風塵羽檄尙頻飛日日滄江宦興微寒甚最嗟黃竹咏春來
惟望

翠華歸鷓鴣跡同盟久鴈鴛文書畫諾稀閉戶新吟堪自
遣只愁零落故山薇

春感

候有冬春異時無雨雪休寒門天大啓沙塞

百柱堂全集

卷二十

十一

帝仍畱鞬國朝正滯山河帶甲愁飢鴻遲北嚮傲羽尙汀洲
寄展其明經

英英吳季重後乘逐高軒若上白麟對當登金馬門處囊韜
利穎傾峽倒詞源聞闔秋風近方瞻勁翮騫

奉寄袖石方伯

朝廷近日謀西幸扼險嶠函正直東再轉屏藩高岳牧三秦
門戶倚河嵩時危可少桓文業地近尤資晉鄭功翼戴方今
數才略非君誰任出羣雄

高李歌呼壯昔遊吹臺逸矣悵難求一時詞客隨雲散萬古
河聲入海流垂老遙思追嘯咏故人今見擁旌旂方當命駕

輕千里來作梁園十日留

春寄張仲遠觀察

罷職彌憂國投閒益效忠
傾陽瞻塞北決策贊關中
陸相艱難計畱侯社稷功
謀謨能見采何謝古人風

羸病逢多難江湖歎遠臣
空令鑿國手徒作養痾身
骭骸醒還醉悲歌秋復春
無爲安石臥終起靖烽塵

贈方生柳溪

正學先生裔徙居江陵

道在章縫業天扶忠義門
孤寒惟石隱正學有雲孫
秔稌艱營飽菰蘆密作村
暮霞送飛鷺引領獨忘言

泛宅本吾志結隣惟汝宜
湖天塵不到浦澗路誰知
榆柳雲

百柱堂全集

卷二十

十一

深處芙蓉露下時相携堪避世
只借水中坻

孟春中旬始有暖意

累月寒威厲今朝淑氣伸
誰將機暗轉頓遣物皆春
候喜羣生豎功歸大造仁陽回
看紫陌花柳欲爭新

鄧仲嘉茂才見和拙詩疊疊逼人賦此寄之

和歌搖筆走驚霆陣掃千軍勢未停
年少獨憂邦枕隍詞雄

堪壯

國威靈嗟予苦調摧華髮期爾和聲噓

紫庭風格前賢欣不墜追驟婁水躡滄溟

答淵甫耀卿對雪途次見憶之作

當君對雪憂行旅正我茅堂欲
詩三日帆行五百里家山
殘雪未消時

大鈞篇

天公以陰陽爲大鈞德刑並任相彌綸奈何縱陰慘陽閉不
得伸吾觀五行四序淆然若冬非我冬春非我春潦高六百
尺積雪深丈餘栖山患凍踏依澤患爲魚嗟我民人安得覈
食而鶉居何况蠶虹下零霧作葇孳生風雨惡鼉抃鯨顛滄
溟蕩薄鑿齒出啖人魑魅晝逢若軒帝當之亦錯愕茫茫襄
野途安託我欲招巫咸巫咸久上天我欲起重黎重黎職不
傳遂令三辰掩蔽二氣乖愆駢灾疊變駭未覩九疇洪範之

百柱堂全集

卷二十

三

書難盡編江干老叟心如結淚血臨風向誰說便恐天柱傾
地維裂無人制共工禍萌不可折乃知杞國非愚人惟有憂
天至深切春風日日吹龍沙安得送我眼中血

春雪

翦放瑤花影萬重東皇曾未得從容休驚人世干戈滿天上
朝朝戰玉龍

苦雨

夷道懸冰峻巴山積雪多方春霖不絕入夏漲如何但見銅
渾轉難期玉燭和淪胥憂澤國寰海况兵戈

千村無蕎麥彌望總淪漣鴈鶩浮爲宅蛟龍奪作淵帝仁難

可恃農命藉誰延牛種存何益春耕未有田
望湖吟答吳南屏學博

同在洞庭湖畔住行吟日望湖邊路湖雲冉冉接蒼梧南幸
重華渺何處因憶古皇生古愁對山巡海事悠悠襄野會迷
軒帝轍弇山空騁穆王遊祖龍意氣驕千載鞭石駕鼉望東
海大魚吹起波連山金闕蓬萊竟安在當年芝蓋遠飄搖萬
里徒嗟歸路遙不見湖中悲帝子千春淚竹恨難消昨君寄
我湖上吟動我離憂萬古心湖漲湖消憂不歇憂端直共海
波深

渡江行山中

百杜堂全集

卷二十

十四

踏徧江南岫都如春未歸峰晴浮黛薄泉冷咽聲微隴雉猶
難覆林禽亦少飛寄言桃與李何日是芳菲

白荆橋閒步

磴狹林風急橋回石懶分人家圍峻壑春色滯寒雲孰啓籠
山利翻唾力穡勤乖厓今不作誰與鎮巒紛

往與俗吾意遽避兵于此

昔年同此避黃巾宿草堪嗟袞屐人重過黃鑪惟灑淚連山
松竹不成春

咏紅梅

羅浮有仙子過飲上元家綽約猶凝雪曹騰已暈霞洞天多

絳節靈液足丹沙凡豔羞桃杏空然鬪麗華

智士

梁晉持河上周齊戰洛陽出奇虛可搗決策敵難防往事昭
成敗兵形用喻張臨機無智士苦鬪日扶傷

二月五日書所見

何來海舶入江湄飛渡毛車信有之萬古乾坤開俶詭九州
堂奧混華夷

朝廷有策施三表帷幄無人畫六奇剗木濟川由古聖誰知
階厲至今貽

賈胡翻作伏波雷紫蛙明鱷映蜃樓莫信羈縻求內屬豈真
百柱堂全集

卷二十一

五

文物慕中州金牛炫蜀能無詐壁馬欺虞大可憂但使
天威終震疊不妨權計示懷柔

論都

烽火照燕山

宮廷甲自擐不聞版泉戰遽出薊門關熒惑災先兆
巡遊轍未還萬方朝集使北首望

龍顏

鎮未雄三輔謀仍輟五遷阻兵艱運道並海逼烽烟虎旅誰
憑堞

龍旂尙駐邊論都原大計高議在

朝賢

虛慕關中勝羣公抗表言私憂懷杞國隱患伏花門莫倚殺
函險終虞供億繁金城殊昔日蕭索五陵原
河山雄表裏天下晉尤強若建
新宸極端居古薊方舟船諸道達阨塞九邊長
行在宜并土何人叩

帝閭

千官扶

鳳輦

萬乘涉龍沙天自開黃道春當返

百柱堂全集

卷二十

六

翠華名王勞獻炙

禁旅久離家八駿歸原速無言塞路遐

古來多難會亦有不臣朝懲往中興速思艱反側消儉勤師
夏禹哲惠配唐堯國脈千年固苞桑孰動搖

春興

南山飛白雲晴黛落江北江波生綠痕演漾汀洲側昨夜新
漲來柴門送春色稊柳舞輕風傾倒不自息翩翩黃鳥飛窺
徑如舊識遊蜂亦有聲沙暖臥鸕鶿累月韜三辰沍寒凜相
逼青陽今始暄淑氣川原塞桃杏雖未花芳韶勢難齎不知
元氣中鼓蕩孰爲力百昌出乘機誰謝榮華德吾生愛景光

欣欣偕動植逍遙及良辰何不蕩胸臆
斷黃

東塞侍蕪黃烽烟未易防途衝成四戰寇近萃千瘡進每憂
狼顧疎難禦獠任何曾懲往事歲歲誤多方

始雷

天邊惟積霧春半始聞雷陽抉重泉出光激六幕開蛟龍驚
壑底魑魅泣山隈閭闔陰雲解方迎

法駕回

入山寺

灌木蔚成陰山中春氣深風香團雜卉谷響響台幽禽樵牧或

百杜堂全集

卷二十

七

時造煙霞惟獨尋僧寮無一事鐘梵不聞音

繞寺岡巒抱窮探磴路斜展沾幽蘚迹袂胷野藤花湖漲多
侵麓江浮漸沒沙獨遊清興愜兼得攬春華

清明書感

芳辰寂寂掩山家山外長風蕩浦沙但有蒼黃憂燧火絕無
紅紫聞春華戈船時見張征旆綺陌空思走鈿車日費黃金

求武猛誰知豺虎尚紛拏

歸雁

屬車秋度漠陽鳥入關飛雁序春仍返龍荒

狩未歸戈鋌江浦盛霜雪塞垣稀念爾呼羣急過征候不違

傷春絕句

鶯花今歲總愆期，過盡清明上巳時。
除卻蘼蕪與楊柳，春來春去有誰知。

齊安一夕化爲戎，西鄂仍驚燧火紅。
血色天桃臨水泣，年光多在亂離中。
西上帆檣日夜過，倉皇盡室避兵戈。
頗憂鼃負翻江漢，不獨郊原虎兕多。

未知何處可移家，但覺紛奔似永嘉。
莽莽荆榛蔽南北，人間誰見武陵花。

旅泊茫茫江上春，天涯揮淚對芳辰。
汀洲千里多蘭芍，誰是百柱堂全集

卷二十

七

臨流板襖人

三戶殘黎最可傷，年年只上避兵航。
東風吹綠無情水，不管傷春人斷腸。

雲卿太守舟過敝里，風利不得泊，遣持小照索題。

盤渦日夜鬪雷聲，坐嘯蓬窗了不驚。
峽勢直從天上落，道心常向險中平。
蛟鼉跋浪徒相伺，鷗鷺翻飛自覺輕。
別有萊公開濟意，何妨野水一舟橫。

功名涔擢二千石，歸興難忘廿六亭。
在君 世事尙憂烽火赤

家山遙隔洞庭青，昨乘飛櫂過蘋渚。
未得征帆泊柳汀，宦海蕭然忘寵辱。
只君鴻鵠獨冥冥。

雲卿太守被檄領江漢互市事詩以寄之
楚江互市啟權輿調護知君智有餘
暫用懷柔馴蜃鱷還憑忠信格
豚魚通寶鑠使侏僑雜聚族
鮫人陸地居漢過不先
今日始銷萌未可制防疏

牡丹
風鶴滄江淚不乾
春光斷送百花殘
香雲紅雨從他散
誰更林亭問牡丹
柳

作縷黃金才幾日
飛花白雪已連朝
春風欲去未能去
江北江南柳萬條

百柱堂全集

卷二十

九

後傷春

豈真鄙子便無歸
誰與旄邱賦式微
正是春江花月夜
滿天烏鵲繞枝飛

方城漢水向依然
風鶴才聞已播遷
莫訝傷禽飛易墜
故瘡猶自怯聞弦
翠羽明珠委路塵
紅顏擁髻泣江濱
年年避寇當三月
漂泊楊花不算春

江干雨後落花多
拂水沾泥奈若何
猶勝浮家諸士女
殘魂生死任風波
汀洲極目莽風沙
泛梗漂萍未有涯
自恨不如新燕子
羈栖

好去傍誰家

大江東下無安土日夜千帆盡向西聞道夔門更西上烽烟
紅照子規啼

楚塞東連寇壤環番舩互市偏通鬪亦知鄉井原無恙縱落
天涯未擬還

遷衛封邢拯阽危齊桓功在一匡時交侵中國才如綫讀史
千秋有所思

寄說伯容參軍

驚定詢黎子將無賦式微城虛民去久春盡吏還稀潛鱷江
湖伺傷禽日夜飛叢憂與孤憤迸作淚沾衣

百柱堂全集

卷二十

三

烈風五晝夜疾甚焚輪南風甫止北風旋作

南北風相競喧如萬鼓輦雌雄爭楚漢勝負角周齊石蹶干
林震塵揚六合迷茫茫眞宰意盛怒盍爲齋

憶昔

憶昔唐宗幸陝年方州赴難尙遷延誰憐蜀道孤臣淚白髮
深山拜杜鵑

洪湖曉發

湖風送征艇不異泛仙槎遠色浮青靄翔陽湧赤華喧逐驚
未息瀕洞駭無涯惟有舟前鷺飛飛掠曙霞

疾風過桃花井

翠莢映新萍。邈回渚。復汀飛來片帆。影劃破水天青。
種桃人不見。空說桃花井。短艇送殘春。飛花去無影。

帆腳驚歌側。顛風尙滾沙。生憎雙燕子。掠水鬪輕斜。

三月廿五日舟中作

次日立夏

寂寂扁舟裏。天涯此送春。青陽遲暮日。白首道途人。
桑柘陰相接。菱蒲萼又新。維舟問鄰舫。多半避烽塵。

繫纜古隄口。沿岸行見連理木。詠之

殊根均茁蔭。結蓋共枯榮。龍劍雌雄抱。鴛巢左右鳴。
蕭朱慚意氣。管鮑喻交情。亦有孤桐怨。春來半死生。

曉渡三湖

百柱堂全集

卷二十

五

仙人戲海上。誤墮碧玉壺。壺中盡仙醞。瀉地爲明湖。
日華下照之。靜見龍銜珠。我舟御風至。愛此鮫綃鋪。
幽境絕寥曠。蕭蕭蕭菰與蘆。烽塵半天下。是間吹到無。
憶我舊釣宅。洲畔多蘼蕪。終愁邇豺虎。挈爲榛莽區。
更欲託中泚。移家來寄孥。從茲謝物役。啟社招鷗鳧。

裏湖

裏湖尤雋絕。可以喻廉貞。一勺試分飲。我心如此清。
龍鱗隨日見。雁齒帶雲橫。誰道壺天小。中涵萬象明。

御帆

片帆西土挾長風。三日輕舟達渚宮。千載蘭臺詞客去。何人

堪賦大王雄

舟次寄燿卿

吹笙年甫壯馨膳侍雙親藹藹庭除內好風清且淳深心探
古義閱覽謝時人不遣文章露誰能測鳳麟

昨歲來時路曾聯李郭舟風花三月暮鼓角萬方愁楚塞烽
仍逼江關戰未休新亭餘涕淚只合共君流

送李月卿公子攜家寓居公安

忠貞門第歎流離磊落風塵故自奇玉樹當年原愛子羽林
今日是孤兒九州燧火狐鳴野入口驚魂鵲繞枝行矣桐卿
堪卜宅報劉猶得展烏私

百柱堂全集

卷二十

三

送張洊山同年謝病歸田

眾皆先治辦子獨守廉平不遣吏民擾自然齋閣清從容能
化俗悃悃久忘名忽惜鄧侯去咨嗟父老情
烽煙徹寰宇獨念故園扉耕隴桃源遂巾車栗里歸去思他
日永高蹈近來稀望裏燕山迴還雲倦更飛

古義閱覽補却人深厭文章露誰能測鳳麟

吹笙年甫壯馨膳侍雙親藹藹庭除內好風清且淳深心探

昨歲來時路曾聯李郭舟

風花三月暮鼓角萬方愁

百柱堂全集卷二十一

辛酉

壬戌

監利王柏心子壽著

涵碧亭歌爲東鄰陳仲鳴作

岷江怒蹴峽門圻荆渚西來吞夢澤林開岸豁波始平萬里
浮天混空碧君家亭子臨滄洲日向清江翫碧流八表只看
雙鏡合九霄不見片雲浮冉冉孤帆去未停飛來白鷺破空
冥羣山隔岸如爭渡無數芙蓉倒影青知君逸興嗜豪放對
此襟情益空曠澄江如練眼中詩高詠元暉差可抗螺洲釣
叟住西鄰未識茲亭孰主賓濯纓借取亭前水還洗胸中十
斛塵

百柱堂全集

卷二十一

澄秋閣歌亦爲仲鳴作

長江湛湛渺何極天下無如此秋色平鋪匹練迥連空隔岸
青山排鳳翼皎皎飛來孤月輪波文散作黃金鱗光通河漢
層霄界漲合滄溟萬里津江閣陳郎逸氣生坐收萬景皆澄
清高天鴻雁羣初起幽壑龍鼉臥不驚此中占斷秋光美借
君江閣日徙倚一碧空明接天水世閒何處着塵滓我心曠
蕩亦如此

桃花澗

與下一首亦爲仲鳴所作

疑有秦人洞仙源此路分壺中澄碧玉天外墮紅雲豔影迎
朝露香風送夕曛漁郎猶可問招隱欲從君

白蓮沼

素面淨無華西施住若耶試看中夜月不辨一池花涼雪侵
衣袂明璫映浦沙冰甌浮玉醴高宴水仙家
入夏以來恆陰而月繼之風雨

訝此正陽月翻教蒙氣乘風驚羣木拔雨助百川騰宿靄乾
坤合清寒日夜增誰扶紅旭出復旦變休徵

倉皇惟調發筦權日艱難專闔丹心瘁連城白骨殘貪狼仍
莫制妖蜃復相干獨發愁霖唱憂來非一端

熊仲放貽示雨中見懷詩閱日仍過訪講舍賦此奉謝

離屠當仲夏高唱發愁霖頻下憂時淚仍勞望遠心煙生朝

百柱堂全集

卷二十一

二

幌暗雲結夕城陰直待逢開霽蹇然命足音

詩歌皆變雅風景似新亭日暮雙窮士時危兩客星便從商
皓隱莫作楚臣醒回首人間世清風逸大庭

姚生行贈姚訥夫茂才

威鳳不得遊卷阿江湖鴻鵠愁網羅露申辛夷悴蘭蕙坎壈
奈汝姚生何漁父蘆中渡窮士穰侯駐車索客子古來亡命
多豪英我見姚生亦如此姚生苦調聲蒼涼冰蠶之繭絙空
桑津妾緹縈志並苦仰天太息飛繁霜君不見鐵額蚩尤率
猛獸乾坤大縱龍蛇鬪十年流血成丹渠帶甲如雲不能救
又不見鉤陳北指陰山下羽蓋霓旌頓中野鱗族揚兵閭闔

門九門誰是當關者宗周嫠婦潛沾襟魯國處女猶哀吟天
柱搖搖地維裂忍視神州將陸沈姚生勿嗟身見窘何不請
纓戮鮫蜃區區仇怨皆牛毛枕戈當雪國家憤臨江節士彼
何人爲子高歌天馬引

寄龔子貞學博

故人龔博士豪氣未銷除中歲棄官去城南歸敝廬逃名蓬
藿徑結舍莽榛墟炯炯目雙炬銜杯且讀書
皇輿猶播越赤縣徧旌旂征權飢逾督人才亂更稀橫流終
不息命駕欲何歸知爾憂時作悲歌淚滿衣

驟雨

百柱堂全集

卷二十一

三

南風助鬱蒸倏忽妬陰乘民愠何嘗解山雲已驟興雨兼愁
不斷水與寇同增若問靈修意蒼茫未可憑

對月

鄂州南塞少防兵九嶺烽煙入夜驚愁絕月華流照處連山
吹角赤眉營

南望

南望千山虎兕行深愁難限賊縱橫誰知澤國憑天塹猶勝
熊貔十萬兵

寄訊燿卿

萬國皆戎馬恆虞相見難登樓多攬涕開徑少追權漸報烽

煙偏仍聞士卒單崢嶸懸九嶺誰用一泥丸

九嶺在崇通境江右與楚南北

界嶺也

諸侯停貢士行在滯邊州風雨雞鳴夜乾坤虎鬪秋猗蘭榮
礪路叢桂被巖幽往問岐山鷺何年阿閣遊

雙烈詞

弔江夏隗氏嫂姑作

刀光照城如白虹明日破城流血紅嫂姑先夜死相誓繩城
並赴清波中浮屍兩兩出沙脊火焚岷岡雙白璧紫煙不散
衝雲霄化作天門補天石

家書至

臨江焚掠昔年同何意音書次第通望裏家懸烽燧畔愁邊

百柱堂全集

卷二十一

四

心裂鼓鼙中一丸不塞關門險百戰徒勞鬪將功旋旆皖南
能速救老罷當道貉羣空

筍生

幾日錦綉脫森然破碧苔少年矜節槩寒地擢人才欲共蒼
龍化將招翠鳳來新陰能卻暑幽賞助徘徊

莫愁春泛圖爲龔生星槎題

盧女門藏烏柏裏春波日日鴛鴦起芳名不下芘蘿村來往
石城雙艇子千載湖波冉冉香春花春水泛春航啼鳥不見
珊瑚鏡棧燕難尋玳瑁梁蕭家亦是英雄主宮體相沿成樂
府青絲白馬壽陽來金粉南朝變灰土龔生年少擅才多慨

想風流委逝波哀樂古今相倚伏蒼涼不覺發悲歌悲歌未
竟烽煙逼郊郢豺狼薦荆棘白雪雄風兩寂寥江山也帶愁
人色嗚呼戎馬無時休近日王綱甚綴旒乘風合起宗元幹
擊楫能無祖豫州年少終期濟世英幾時伏闕請長纓刺鯨
殪兇丈夫事何用低徊兒女情

雜感六首

帝臺雲氣晦冥冥日奏鈞天夢未醒世外蓬萊臨淺水古來
杯酒勸長星路迷谷口兼商岫風逸華胥與大庭堂燕籬鳩
殊自樂只餘孤鶴淚交零

居重高臨拱極同黃圖無過

百柱堂全集

卷二十一

五

帝京雄貂蟬八座環

丹陛龍虎諸軍衛

紫宮

鸞駘豈宜輕跋涉驪山誰道避兵戎垂堂重閉能無戒直北
關山淚眼中

椎埋惡少弄潢池豈有梟雄命世姿斧鉞未伸司馬法樓船
空老上游師權分列鎮誰先赴銳折長圍不用奇在昔義貞
摧百萬曾聞旋旆未淹時

人才筦庫徧搜羅桑孔功逾頗牧多不惜黃金求買鬪須回
紅日進揮戈淪州覆郡仍如故竭澤焚林後若何青犢縱橫

猶滿地滔滔權算委顏波

煌煌青紫易錢刀談笑分符復擁旄民爵秦時盈里巷武功
漢代徧鄉豪但期計日軍儲足安用停年選格勞僉倚豐財
平寇盜私憂巧宦括脂膏

窮髮奇肱混職方開局撤盡九州防介鱗上湧樓臺氣戎馬
中開權市場天下倒懸驚未有域中包禍歎非常周家德厚
形偏弱微管千年獨感傷

星變

李貫紫宮出南衝天漢津晏嬰垂涕日劉向拊心辰可弛衣
褫戒誰將封事陳葵烜無路歎况隔塞垣塵

百柱堂全集

卷二十一

六

得韓叔起比部書御寄

一紙書傳豺虎窟廿年遊散鳳凰城愁看寓縣皆榛莽厭說
風塵尙甲兵九伐終期

王奮武

六飛誰奉

帝還京潛邸相望淪江海未得馳驅並請纓

十年無策靖干戈奈此黃巾白馬何方鎮猶嗟人傑少交遊
翻惜鬼雄多嗣宗廣武徒聞歎越石扶風只放歌去去商顏
壘把袂芝華無數被巖阿

詠古放言得絕句十九首

黃塵碧海幻滄桑走馬千年速電光蕩蕩天門高不問投壺
日醉帝臺觴

誰遣蚩尤造五兵冀州貙虎角爲城握奇能整軒轅陣終仗
天威一掃平

鄴灌戈過殄滅同妣王再造復卑官誰知他日璇臺宴忘卻
艱難一旅功

中葉共球九域虔湯孫最數武丁賢若非奮發歌殷武誰戴
聲靈六百年

眼看豐鎬等塵埃穆滿馳心出九垓瑤水弁山仍不足中天
更上化人臺

百柱堂全集

卷二十一

七

興歌雲漢閔鴻嗷淮浦徐方敢繹騷但得君王修政治自然
申甫降崧高

宮中夜宴絕長纓雲夢田遊日抗旌隱語果能通諷諫三年
大鳥遂飛鳴

大漢何言頗牧無守文天子有雄圖宮中拊髀求良將緩急
終能得亞夫

危詞頗類屈原風不惜亡身自發忠炎運漸衰雄失據檻須
誰憶息夫躬

爭嘲洛下書生詠誰識隆中梁父吟獨立茫茫遺響絕風雲
終古任銷沈

祖述雖亡陶侃在遙傳石勒憚威名如何竟讓桓元子非伐
終能抗表行

高齊將士尙雲屯百戰何難保太原馬首只思趨突厥匆匆
夜斬五龍門

千村萬落莽邱墟尙自多端蠹不除直揭郇模三十字猶賢
痛哭萬言書

恪佐前燕猛相秦功安一國作宗臣石郎但有桑維翰也自
存亡繫此人

長樂疏鐘動曉河朝天往日想鳴珂宮槐帶雨成秋色不及
恩光塞柳多

百柱堂全集

卷二十一

八

榮杲誅擒才數月角梁梟滅未淹時十年狂醜稽礎斧不道
兵家貴巧遲

介冑盡聞生蟻蝨兜鍪頻見出貂蟬揮金養士非求鬪掘塹
長圍不計年

誰憐國士困塵埃草沒燕昭市駿臺樂毅劇辛成朽骨摸金
搜粟盡奇才

岸上磨牙逃猛虎江間掉尾憚鯨魚君看滄海橫流日何地
猶堪宿露車

中宵雷雨大作

先是問江漢間奪鯨一旦徙去

豐隆奮怒挾天兵蜃市鮫宮一夕傾風雨連江驅萬怪雙流

如鏡曉波平

金光電劃九天開
燒盡鯨鯢骨作灰
京觀定當齊碣石
海神高起鬪體臺

題楊利叔新議後

初訝舌端馳衍爽
徐驚心計過研桑
鑿空將欲籠山海
畫地眞能變富強
平準特開千載局
菁華不竭九州藏
豐財尅日旋龕亂
只合論功首智囊

朝霞有異色賦之

朝霞金鷲鷲作勢欲
翾飛近日疑含瑞
垂天尙覽輝
長風吹不散
灝氣馭安歸
鍊液思丹訣
晨光髮正晞

百柱堂全集

卷二十一

九

南郡送舍弟子章歸里

涼風散秋暑
歸櫂載湖雲
久客吾方倦
連牀汝又分
疏蟬鳴漸歇
新雁起爲羣
想到荆扉日
慈闈笑語欣

羈館

年光容易送秋期
羈館蕭條隱几時
撼撼驚風墮鄰棗
冥冥細雨浥園葵
賓鴻客燕如相競
朽蠹乾螢未有奇
掩卷只餘歸興切
故山蘿桂繫人思

雨中庭桂始放

今年秋始半
金粟綻深叢
藥壯還因露
香高不藉風
疏鐙凭檻際
細雨閉門中
三五佳期近
嬋娟或許同

中秋雨夕

姮娥怯風雨故遣密雲遮徑滑苔全溼庭虛桂自花暗蛩攏
夜柝新雁避汀沙寂寂高城裏笙歌亦未諱

飛龍引

九十六君安在哉幽州惟有軒轅臺軒轅合符北出塞法駕
遠陟崆峒來飛龍雲際垂翩翩乘之直上遊青天從臣攀髯
莫能及伏地雨泣空漚然生前神鼎棄不顧華蓋鉤陳渺何
處海涸山移日墜淵閭闔沈沈但蒼霧解進祈招少祭公何
如八駿返祇宮藏弓瘞劍萬年恨鳴咽橋山風雨中

獨飲叢桂下

百柱堂全集

卷二十一

十一

金風撼叢桂黃雪糝莓苔涼月又將墮幽人殊未來深宵寒
綺幌孤興覆瓊杯招隱故山約空令猿鶴猜

九日招同淵甫箴三星堂耀卿諸子會飲並以歌詞相投投
筆和之

百年勝日不常有天送晴光作重九古城地僻少高山只合
攜尊共良友九秋風物亦清美楚客悲來未能止感時草木
多變衰何況九州百郡半荆杞軒后乘雲去不返白雲渺渺
九疑遠日車天路誰當扶壯士拊膺恨年晚高會相逢皆俊
英蕭辰無故百憂生空磨出匣倚天劍但縱高歌裂石聲君
不見寄奴肯定南燕回九日曾登戲馬臺酒熟菜萸饗軍士

英風仗鉞何雄哉又不見晉家北伐桓宣武曾清河洛逐羌
虜歸來賓佐宴龍山意氣風流足千古英雄往事浮雲沒世
難何堪多戰伐諸君慷慨志澄清我已蹉跎凋白髮對酒猶
嗟板蕩辰百壺倒盡莫逡巡新亭座上同收淚須見神州戮
力人

客思

寥空清迥足徘徊望遠無端客思哀晚歲艱虞逢戰伐秋風

搖落到人才

宮保胡公新沒

乾坤復觀

皇輿建

闔闔仍依紫塞開誰贊惟新扶

百柱堂全集

卷二十一

十一

景運

諸陵王氣鬱佳哉

九日張生繼堂率園丁肩竹至種之階下

此君同結歲寒盟副贈琅玕見汝情來歲重陽值風雨小窗

助我答秋聲

九日耀卿餽菊尙含蕊未花

黃花九日放猶遲特遣尊前慰所思似泉明方漉酒甕邊

醉眼未開時

輓宮保胡大中丞排律八十韻

雄俊天何奪艱難世未夷事同畱守恨功惜豫州隳九折輪

摧阪千鈞繫絕縻生當主卣錫沒作鼓聲思開府初援鄂揚
旌獨誓師燎原氛正惡堅壁陣難移檄草無淹暑軍符甚亂
絲多艱環慮灼眾勤萃肩仔壯矢吞狂兇威驚臥老隸呼號
張義憤筦榷裕軍資喋血城終拔攻心績詎遲耕耘仍布野
江漢復爲池狡寇來頻挫凶徒憚莫窺招徠趨襁負怵舞起
瘡痍根本能膠固徽猷遂設施庶寮除惰窳百度肅綱維墨
吏章先効循聲轂首推惠農寬賦斂募士汰驕羸徵辟宏開
幕詢謀直造帷驕驕鳴輒顧羔雁踵相追握髮延無倦虛懷
納不疑豪英咸吐膽策力盡揚眉裁決文饒匹經綸景略規
令行流水速教下疾風馳弱卒終成勁殘曷振衰三淪兵

百柱堂全集

卷二十一

三

燹域一變富强基擗標歸廬墓哀號強進廢

丹綸恩最重墨經義奚辭暴露親寒暑厮徒共渴飢頻煩籌
筆驛靡盬出車詩將帥潛調總機權密指麾淮渦圖並舉廬
霍待分披疾擣濡須穴徐封建業尸壑成遊釜泣計定折筮
咎倉卒

巡遊轍郊畿板蕩時入援途盡梗卷甲眾多疲不展戡除力
難謀翼戴期提袍申躍馬仗節勗如貌糈倚量沙智軍懷挾
纘私忘身甘况瘁嘔血竟支離夢寐猶呼戰存亡但付醫養
疴旋夏首輿疾返江湄皖口闔方拒渠魁勢不支梟巢焚結
烈鯨血濺淋漓九地殲蛇豕諸軍勇豹螭黃州塵亦淨下

氣先禡捷繼飛書至功歸勝算持有瘳虛報竹勿藥爽靈著
人傑終淪喪勞臣不憊遺心依

天闕迴魂逐

鼎湖隨鬱鬱蛟龍劍悠悠熊虎旗山川羊傳淚衢巷國僑悲
浩氣凝河嶽寒芒躡尾箕干城長已矣筓角倍悽其定切

宮中悼疇專閩外司易名瞻

國典加秩仰

皇慈金石銘無媿馨香禮亦宜昔公挺湘浦開世稟殊姿甫
謝金門籍俄標玉帳奇豈無駿蹶蹶卽復雁門騎心只專開
濟途甯問險巖條俟當緩急裴令係安危鼇極三山負虹梁

百柱堂全集

卷二十一

三

一木搢撼波憑識鎮錯節觸鋒劍落落操剛直譏譏任詆媿
干將行擊斷太華峙屨屨法立初嚴陷恩流卒涕洟忠勤酬
異眷文武信良毗大蹇朋堪濟中興事可爲管商猶瑣瑣種
蠡亦卑卑翰溢公誠志戕餘壯烈詞數年如更假四國必長
綏賤子邱園伏名公國士知柳營縈嚮往葑采辱諷咨說劍
儕蒙叟論兵效牧之禮優逾結襪術短等囊錐野哭傷傾厦
天高痛隕棖夢雞符惡識弔鶴阻修遠此日房公櫬他年蜀
相祠英雄襟上淚終古只紛垂

雷斧行

陳毅甫別駕得此於山中農家云雷公斧也持以見
贈形闊四寸高二寸厚五分鐔銳不及分重斤許色
黝黃質非金非石叩之聲璆然有穿孔大如錢疑
若陷柄者然中一綫隆起柄不得施莫能測也

雷公破山挾雷斧，殛魅裂狐不勝數。倉皇丁甲宣勅歸遺斧，空山蝕風雨。山農取叩聲，鏗然非金非石澤。且堅陳侯購得，乃貽我解贈佩。佩刀同呂虔，無柯如我歎。誰假持斧繡衣非，使者只合追隨谷口樵。丁丁送響長林下，縱橫猳獠磨齒牙。誰能喚起阿香車，從天霹靂忽大震。齋粉梟獍摧，長蛇天門伐。鼓聲逢逢仍當持斧還，豐隆有時取擊速無迹。不爾閉置亦頑石。

宜都登無量殿後高閣

攬袂如上化人臺，千尺高費四望開。碧湧城隅雙練合，青浮夷塞萬峰來。諸天坐閱恆沙劫，浮世同歸大道埃。惟有法輪百柱堂全集，卷二十一
長不壞琳宮鹿苑自雄哉。

古

過朱槐卿茂才宅

青山不待約輻輳，赴軒檻日日茅檐下。白雲相向生芙蓉，臨水笑橘柚帶霜榮。薄暮高吟倦閒看，叱犢耕

移家先十稔，背郭謝塵喧。了不問時事，何知有竄奔。天教回蔗境，人羨住桃源。韋布從吾好，珪簪詎足論。

出宜都西郭訪楊茂才心物

翠屏千萬疊，飛影落中流。門抱清江曲，環爲明月洲。騎人懷遠想，高步抗千秋。坐久忘言象，前汀下白鷗。

贈張海峰茂才

開尊吾憶孔文學投轄君爲陳孟公豪士未除湖海氣醉談
猶露滑稽雄高才伏櫪悲何限餘事臨池老益工眼底滔滔
無足問只須浮拍酒船中

答孫玉堂茂才

名璧文太平縣人

轉徙沙鷗宅艱難戎馬辰窮途仍坎壈英骨自嶙峋問爾榆
鄉士多予蘭臭人

同年焦錦江刺史令叔紀
堂君之同里皆吾友也

當筵投傑句揆

藻倏如神

魯國孔文學斯人安在哉何時騰薦表爲爾拔奇才風雨留
羈客江天共酒杯片帆東下速相望渺荆臺

晤小雲茂才

百柱堂全集

卷二十一

五

閉門耽習靜望古嗜搜奇自曳獨絲繭工吟三影詞江山成
後會尊酒慰離思望爾九苞鶩終然耀羽儀

懃惕臣茂才宅留贈

文學淵源久家風孝友餘清平能愛客灑掃爲延予已動名

賢賞

宮保胡中丞策士
曾以文學受知

非終處士廬崢嶸望東觀待子曳華

裾

宜都山水清佳爲吾郡之冠信宿匆匆闕未游歷悵然有作

用述歉懷

峰聚西南秀排空碧玉屏江環雙練白雲壓半天青餐勝情
先往梯幽跡未經重來當蠟屐書此證山靈

却虎詩和楊性農駕部

偶然片語懾山君樵路從容掃白雲排難無慚天下士直憑
奮舌却秦軍

月上疏梅萬壑高尋詩來往興猶豪少陵伐木無須課不用
夔人屋壁牢

爪牙攫搏戢跳梁有道眞能化暴強百萬橫行猶下拜黃巾
不犯鄭公鄉

樂府徒傳猛虎行山中麋鹿了無驚彎弓嗤爾熊渠子月黑
空飛霹靂聲

率野猶悲虎兕歌磨牙鑿齒日經過先生縱有瀾翻舌尙恐
百柱堂全集

卷二十一

六

牛哀幻化多

安徽有雙樸作連理或繪爲圖海甯陳君駿于持以徵詠爲
賦之

安州有樸挺連理參天勢若雙龍倚周家養士皆國楨何年
遺棄深山裏海甯陳君雅好奇攜圖示我邀題詩蒼虬夾擁
千重蓋翠鳳交垂五丈旗凌霜戰雪老崖壁不遇般倅眞可
惜輦致豈獨無萬牛良材翻遣閔幽僻我聞銅馬燔安州百
里草木皆虔劉樸乎汝幸脫烽火又恐或罹斤斧憂物理升
沈多不同得時便作朝陽桐元愷夷齊並同氣或偕弼亮或
終窮樸兮連蜷踣澗壑榮悴安知造化工還君此圖淚泣然

不如社稷終天年

同治行有詔以明年爲同治元年誅宗室亂政者三人

虹霓干天白日翳羣飛訓狐相媼媚髻墮神龍歸

鼎湖姦黨睚眦潛得計制書變亂行四方自謂元愷今忠良
束莫爲椹葦作柱幾傾宗社頽紀綱臺端有鳳朝陽鳴抗疏
凜凜風霜生若輩滔天尙如故清議安能爲重輕女中堯舜
今復覩

夙駕還宮衛

冲主改元同治

中興期

百柱堂全集

卷二十一

七

詔下雷霆赫斯怒罪狀盡暴姦兇羣斧礮濺血身首分此曹
覆轍豈知鑒前有曹爽後伍文盜權竊柄誰能久不作共和
作凶醜崇山幽都乃敢偶黃鉞一下伏厥咎

澹哲重華頌我

后

雪止登齋中樓

今年飛雪勢何驟一夜瑤花積階厚披衣曉上齋中樓不辨
亭臺與林藪參差粉堞排高城城中萬戶寂無聲陂塘澹澹
鷺鷥散枯葭斷葦猶縱橫風威餘力撼空大竟欲拔樓出天
外目窮銀海浩無邊時有白雲如曳帶循闌疾下不敢留欲

訪疏梅何處求叩門剝啄亦少容貫酒將換五花裘庭前雜
卉盡僵踏老桂森森何挺特崔嵬戴雪三丈高伴我蒼寒不
改色

曉登樓上眺晴雪

積雪猶封徑朝陽已射林闌紅標堞峻潭碧斂波深塵盞消
何處光明證此心高吟人不覺未怯峭寒侵

次日復雪

昨霽今仍雪河山積素同寒光飛動外灝氣混茫中凍戩林
間鵲歸迷天際鴻誰擒山邑寇能作李涼公

施州屬邑爲黔
賊襲陷

雲臺秋社圖爲熊春颺大令題

百柱堂全集

卷二十一

六

招攜羣從做巖扃九日峰頭倒玉瓶傲吏歸餘雙鬢白好山
秋爲一家青豺貙未遣櫬槍掃猿鶴猶邀蠟屐停鶻詠清遊
今視昔風流何獨重蘭亭

歸舟發渚宮箴三淵甫星堂耀卿仲嘉西垣送至河橋而別
日醉沙頭碧玉鬢片帆東去返柴荆千林氣透春前暖七澤
天回雪後晴臘鼓關心遊子夢河梁攜手故人情離亭崱崱
仍相似更對煙波別俊英

吾生

吾生謝智巧何亦任勞憂有賦題窮鳥無歌託飯牛時危空
感激年往復羈遊取媿長沮輩營營安所求

漁舟大集於白鷺湖見而歎之

白鷺湖中水波震遙見漁舟如布陣邀遮分合爭相先張網
投叉雜然進鱸鮪鯉無所逃亦有細小盈輕舸連船分載
入市肆高門大第供礮刀十年寓縣多豺貙堅砦雄城頗見
屠磨牙剗刃恣吞噬不異竭澤充庖厨况聞虐吏效數罟析
及秋毫困商賈搜索往往罄豪右察見淵魚翻自詡嗚呼上
天降殺戮禍機何更中鱗族蛟龍徙宅皆遠遊眞宰將無回
慘酷腐儒粗糲良所安對此停筋不能餐時危甲兵且未息
忍使物命多傷殘

乘夜放舟

百柱堂全集

卷二十一

九

中夜輕帆發舟師未告予不曾聞擊汰誰道轉村墟雞犬聲
猶接鳧鷖夢自如我心同不繫凝滯亦銷除

水次感賦

垂老猶奔走羞窺此水濱嶽崎應笑我少壯不還人只益觀
河皺難言利濟身茫茫衛洗馬百感自沾巾

魏闕

魏闕頻縈夢江湖獨子牟人嗟豺虎鬪國想鳳麟遊一旅能
興夏諸侯能戴周餘生逢

景運未敢厭林邱

獻策圖爲星堂題

我有盤龍簇鳳之冰綃上織驚天透雨之奇字恆欲通之闡
闔門天路迢迢莫能致回風飄雲不我將日久濛濛化爲淚
年歲晚今日西馳篋中棄置心自悲便當藏之岷巖之上沈
之清冷之池千齡萬代不遣人閒知君今挾策將何干得不
念彼路漫漫路漫漫兮知己難何由抗手青雲端君言

景運胡冲聖

兩宮垂簾察

朝政懿親夾輔如元公殛罪登賢天下慶近者

詔書下求言徧臣工芻蕘盡奏進羣情靡不通丈夫讀書慕

奇節致主思爲皋與說萬言落筆蟠蛟龍誰忍衡茅甘藟結

百柱堂全集

卷二十一

十一

黃金榜射彤雲開郡國貢士皆英才要令敷奏見董賈曲學

縱橫安用哉期君直上長安道年少尤須致身早鸞皇鶴雛

當在

朝我自林巒任枯槁

元日喜晴

同治壬戌

元年元日光華啟中葉

中興瑞應歸齊慶千齡新鳳歷遙瞻萬國拜

龍旂周成復繼卷阿盛殷武能張景毫威海宇自今銷戰伐

潛郎甘老釣魚磯

對雪甚寒

飛雪踰三尺窮邊無此寒穴封狐兔匿威殄虎狼殘石澗尋源沒冰條破蘂難柴門驚稟列未敢臥袁安

鴻濛子歌贈寶甯方友石

友石署其集日鴻濛

鴻濛子狂歌自署鴻濛詩脫銜天馬不可羈論兵疾草廿四策韜畧能兼龍豹奇鴻濛子汝家乃在蒼洱萬餘里浩然下沂蜀江水楚皖百戰場滔天盡蛇豕出入鋒刃間躍馬輕九死不矜俠烈名非博珪組榮誓爲

國家剪凶桀歷千大帥皆無成長揖浮湘入廣州海波接天不浣胸中憂鄉關阻亂歸不得卻挂孤篷江上遊七年名姓知君久歲暮荒江初握手朔風卷雪橫空來莽莽千里如龍百柱堂全集

卷二十一

三

堆君停沙上權我蟄空山隈徑路俱斷絕不得同銜杯吟君詩誦君策揮霍天人才眼中見此客鴻濛子汝乘元氣遊鴻濛負鼎飯牛汝豈不能希其風高言王霸竟落魄賈豎笑汝非英雄汝今往謁

閩闔門側聞有

詔方求言丈夫立談取公輔壯若風生嘯雕虎鴻濛子半刺徒勞恩乃公何不上書動人主

同年張仲遠觀察以所識朝鮮使者李君瀉舡尙迪恩誦堂詩集見貽因索拙詩轉貽李君意欲爲結海外牙曠也輒

賦二詩寄贈李君並呈觀察

帶方熊岳挺詞英人指乘蓮太乙精上介簡書榮道路中朝
縞紵徧公卿海天縹緲傳仙操華夏風流得正聲季札由余
並賢達看君千載嗣高名

平子琴尊海客圖題襟高會鳳城隅金蘭臭味遙堪接仙李
風流迥自殊

仲遠觀察海客琴尊圖卽爲李君作曩曾附題句於卷末

舊雨關情傳雁帛

新編照眼鬪驪珠狂吟亦有千金帚能動雞林國相無

熊秋白農部去秋舟過敝里賦詩見寄作此答之

故人貽我書題詩賦別紙秋風揚片席日暮泊吾里寒衣陟
石岡林壑眷清美俯仰悲昔年豺狼餘廢壘君家洞庭濱日
望洞庭水扶輿歸瀕洞日月無終始溟渤可並包蓬壺若尺
百柱堂全集 卷二十一

帝京行傍五雲裏

廊廟需夔龍謨明贊上理泉石付吾儕垂竿老中泚

袖石方伯見題拙什且招遊大梁賦詩答謝方伯時以被議

解職

亢直追朱穆風裁峻李膺如何操白璧猶道玷青蠅才雋譏
偏集名高謗易乘君看阿閣鳳亦避得霜鷹

苞苴門下絕權要洛中多世自工彈射吾能任嘯歌天高終

聽察風逆偶蹉跎得失鴻毛事無勞醉慰詞

意氣惟敦舊風流自愛才爲懸高士榻相待孝王臺遠道猶
多梗清遊阻未陪梁園詞賦地空讓古鄒枚

里曲非元草勞君歎絕倫豈期魚尾質竟遇賞音人出處途
雖異文章契有神汝南評許借吾道氣先伸

日月開三極星雲麗九霄受書方置匣前席且歸朝退駢旋
當起搏鵬故自遙潛夫搔短髮只合伴漁樵

解嘲

浪傳薦贖及林居猿鶴山中笑有餘縱使羣公猶記憶豈堪

華髮就微車

百柱堂全集

卷二十一

十一

元夕偶憶

昔遊秦隴上元春燈火如山月似銀繡幃香輪圍十里紅妝
擁看踏歌人昇平樂事今難見四海何年罷征戰江村寂寂
度元宵獨對寒檠淚如霰

春寒

玉戲番番劇乘春鬪化工未能欺竹柏但足掩蒿蓬凍浦拳
江鷺歸途滯塞鴻將軍如力戰淮蔡可論功
抱潔何爲變憑高若自擠橫空猶玉屑委地已春泥迹可光
塵混功還屢霽齊滋榮人不覺起看麥苗畦

仲春朔日又雪

頗苦寒猶馭仍驚雪又加風威驕朔氣物色滯春華磴路梅
難圻汀洲草未芽少陽方用事無乃候多差

贈余楷堂

楷堂江都人以避亂客吾里

二十四橋無覓處一千餘里未歸人暮年回首昇平夢故里
傷心戰伐塵鐵甲照殘邗上月瓊花吹斷廣陵春東還莫作
蕪城賦萬代千齡最愴神

早聞遊俠動長安戎幕栖遲興已闌盡道通才羅武庫誰能
傲骨換麤官閒同野客諧鷗鷺晚有奇兒敵鳳鸞岸柳汀花
相慰藉不妨行李滯江干

答舍弟子章歲暮見憶二首

百柱堂全集

卷二十一

五

阿連彈鋏歲將闌念我飢驅意少歡千里書傳梅驛滯一枝
春隔棗華寒西瞻飛雪連天白東望傳烽入夜丹旅客裁詩
欲相寄正逢鳴雁過江干

搜揚才俊贊維新嘉會翔遊總鳳麟自顧只期全櫟社不才
安敢望蒲輪慙登北海推賢表恐笑南山捷徑人伏

闕上書吾有願終當初服返垂綸

舟次贈鄧西垣貳尹

年少翩翩意氣豪扁舟來往狎風濤頻吟雋句如鸞嘯不媿
名家有鳳毛遠道連屯銷赤燧芳春麗色滿青皋

中興翊運需才傑盍起摩挲百鍊刀

雨泊

夾岸飛朝雨，低空墮野雲。煙籠春罨畫，風約水回文。欹枕聞
鳩喚，維舟起鷺羣。渾忘桃李節，客緒獨紛紛。

晚霽

與客共推篷，晴雲漾太空。天圍平壤綠，日浴晚波紅。芳序遲
江國，清遊憶渚宮。聯吟有仙侶，猶喜一尊同。

風利渡白鷺湖

飛渡俯茫然，中流起扣舷。橫翔雲葉疾，穩抱日輪懸。壯闊魚
龍宅，蕭閒鷗鷺緣。此身疑漢使，槎泛斗牛邊。

柳枝詞

百柱堂全集

卷二十一

五

柔條便欲縮，芳時纔出纏。絲縷復絲作，盡風前無限。能春光
曾否解，憐伊

最好韶華去，不停春痕無。計挽離亭古今盡，逐東流水惟有

垂楊歲歲青

沙津舟次答于蕃觀察見贈之作

戈船西泝峽，雲間草檄威。騰六詔山鏡，吹特翻朱鷺。曲弓刀
重度碧雞關，扣囊餘智收。三捷借箸前，籌定百蠻舊。日繡衣
稱使者，邊人爭識鬢初斑。

疇昔風簷比舍連，對牀重臥楚江船。青雲並送雙飛翼，白裕
回思兩少年。老大翻驚聞戰鼓，淹留相顧惜離筵。愁心直欲

隨明月挂在昆明萬里天

維新休命肇

皇輿薦表搜揚處士廬

聖代豈無箕穎節

清時可少治安書馳驅自覺年華晚匡濟其如學術疏慙負

故人期許意難陪枚叟赴安車

瞑坐對雪

積雪照階庭蕭齋戶不扃古今歸太素宵晝一虛冥凍鳥窺
將下征鴻去未停忍寒尋曲徑蕉竹失餘青

庭下叢桂積雪封條戲詠一首

百柱堂全集卷二十一

三

凌兢戴雪戰嚴風掩卻蒼蒼桂樹叢忽向闌前驚玉樹無人

移植上林中

喜古生俊卿傑來自豫州

衝泥單騎正炎風朔雪揚帆向渚宮勁翮低垂雕鴟後畏途
馳出虎狼中宮齋喜謁親闈健戰鼓愁聞郡國同三徑足音
相視笑殘年猶得慰飄蓬

閒嘗反覆正月桑柔諸詩而後知其時之賢人君子感憤怨
誹蓋有由而然也不觀之醫者乎見有疾者之神吟焉宛轉
焉倘得千金之方與起死之術無不亟舉而投之使得免於
死也如其入憤憤然不以爲良焉而仍雜投夫一切不可嘗
試之技則不免深贖太息咨嗟於其旁又或大其聲急呼不
惜爲危苦之詞以迫告於其所親暱使之共相救以免於死
亡而後已此正月桑柔諸詩之旨也嗚呼推斯義也可以讀
子壽秋曹漆室吟矣武陵楊彝珍跋

百柱堂全集

卷二一

七

子壽秋曹漆室吟矣武陵楊彝珍跋
百柱堂全集卷二十一終則於朕其朝文置人保于恩
百柱堂全集卷二十一終則於朕其朝文置人保于恩

